

Samoa

Title 8  
**Department of Education**

Subtitle 2  
**Education**

Part 1  
**Public Schools**

# Chapter

Student Misconduct,  
Discipline, School Searches  
and Seizures, Reporting  
Offenses, Police Interviews  
and Arrests, Restitution  
for Vandalism, Complaint  
Procedure and Investigation  
of Discrimination, Harassment  
(Including Sexual Harassment),  
Bullying and/or Retaliation

# 19

TULAFONO PULEGA I HAWAII

AUTU 8

MATAGALUEGA O A'OA'OGA

SOAAUTU 2

A'OA'OGA

VAEGA 1

A'OGA A LE MĀLO

MATAUPU 19

AMIOGA LĒ TAUPULEA A TAMAITITI A'OGA, A'OA'IGA, SAILI'ILIGA MA FAOGA A LE A'OGA, LIPOTIINA O SOLITULAFONO, FAATALANOAGA MA FAAPAGOTAINA A LEOLEO, TUPE FAAFO'I MO LE FAALEAGAINA O MEATOTINO, MA FAAGASOLOGA O FAITIOGA MA LE SAILI'ILIGA O LE FAAILOGA TAGATA, AMIOGA FAASOESA (AOFIA AI FAASOESA TAU FAIGA FEUSUAI'GA), AMIOGA TAU FAAFEFE MA/POO TAUIMASUI

Soamataupu 1                      Aiaiga Faalaua'itele

- §8-19-1                      Filosofia
- §8-19-2                      Faauigaina
- §8-19-3                      Faaaogaina
- §8-19-4                      Motusia
- §8-19-4.1                      Aiā tatau a le tamaiti a'oga i tulaga faalilolilo

Soamataupu 2                      Amioga Lē Taupulea ma A'oa'iga a Tamaiti A'oga  
I Taimi Tausaga A'oga Masani

- §8-19-5                      Gaioiga faalea'o'aiga; pulega
- §8-19-6                      Amioga faasā a tamaiti a'oga; vaega solitulafono
- §8-19-7                      Aveeseina o faafitauli
- §8-19-7.1                      Saililiga
- §8-19-8                      Tuliesega
- §8-19-9                      Faasologa tatau ma faamalologa e sili atu ma le sefulu aso,  
a'oa'iga siitia, ma faate'aina.
- §8-19-10                      Taimi faatulaga a'oa'iga faalea'oga
- §8-19-11                      Fesoasoani fesuisuia'i faalea'oga ma isi fesoasoani mo tamaiti  
a'oga ua solia lenei mataupu

Soamataupu 3                      Amioga Lē Taupulea a le Tamaititi A'oga ma  
A'oa'iga I le Taimi o Tuuaga o A'oga

- §8-19-12                      Gaioiga faalea'o'aiga; pulega
- §8-19-13                      Amioga faasā a tamaiti a'oga; vaega solitulafono

Soamataupu 4                      Saililiga Ma Faoga Faamalosi a Le A'oga

- §8-19-14                      Aiaiga i le tatalaina ma su'esu'ega o loka a tamaiti a'oga
- §8-19-15                      Aiaiga Faavae mo sailiga ma faoga lautele a le a'oga
- §8-19-16                      Pulega
- §8-19-17                      Tulaga aoao e mafai ai ona faatinoina sailiga ma faoga  
faamalosi i le a'oga
- §8-19-18                      Sailiga ma faoga faamalosi faasaina

Soamataupu 5                      Lipotiina o Solitulafono

- §8-19-19                      Lipotiina o solitulafono vaega A ma le vaega B o loo tutupu  
I le a'oga
- §8-19-20                      Tupe maua i le lipotiina o solitulafono
- §8-19-21                      Faatamala i le lipotiina o solitulafono vasega A poo vasega  
B sa tupu i le a'oga; i'uga.

Soamataupu 6                      Faatalanoaga Ma Pu'eina Faapagota a Leoleo

- §8-19-22 Faatalanoaga a leoleo i totonu o le a’oga mo solitulafono faalea’oga  
 §8-19-23 Faatalanoaga a leoleo i totonu o le a’oga mo solitulafono e lē faalea’oga  
 §8-19-24 Pu’eina Faapagota a leoleo i totonu o le a’oga

Soamataupu 7 Tupe Faafo’i ona o le Faaleagaina o Meatotino

- §8-19-25 Noataga mo le faaleagaina o meatotino  
 §8-19-26 Faagasologa talafeagai mo faaleagaina o meatotino  
 §8-19-27 Soloia  
 §8-19-28 Soloia  
 §8-19-29 Soloia

Soamataupu 8 Faagasologa o Faitioga ma Saililiga o Faailoga Tagata, Amioga Faasoesa (Aofia ai Faasoesa Tau Feusuaiga), Amioga Tau-faafefe ma/poo le Tauimasui

- §8-19-30 Faagasologa o Faitioga  
 §8-19-31 Saililiga  
 §8-19-32 Saililiga faaauau  
 §8-19-33 Fesoasoani faaliliu, fesoasoani tusitusi, poo faatulaga faapitoa  
 §8-19-34 Faasaina le Tauimasui  
 §8-19-35 Aiā tatau e saili ai isi mapusaga

Faamatalaga Faasolopito: O lenei mataupu o loo faavae toto’a i luga o le “Tulafono 21 a le Matagaluega a A’oga, Faatatau i A’oa’iga o Tamaiti A’oga” [Eff 3/28/64; am 11/29/73; am 5/01/76; R 9/1/82]; “Tulafono 3, Faatatau i Faatalanoaga ma Pueina Faapagota a Leoleo o Tamaiti A’oga I Taimi o A’oga” [Eff 9/23/63; am 6/20/77; R 9/1/82]; “Tulafono 24, Faatatau I Tamaiti A’oga o Ulaula i totonu o Fanua a le A’oga” [Eff 3/28/64; R 9/1/82].

SOAMATAUPU 1

AIAIGA FAALAUATELE

**§8-19-1 Filosofia.** (a) Ua faatuina ma lagolagoina e Hawaii se faiga o a’oga faale-malo mo le setete atoa. O le natura faamalosia o le auai i le a’oga e faamautinoa ai le maua e le tamaiti a’oga o le avanoa mo se a’oa’oga. I le faaopoopo atu i a’oa’oga i le tausaga a’oga, ua ofoina atu e le matagaluega i tamaiti a’oga le avanoa e maua ai faatonuga faaopoopo ma auaunaga faale-a’oa’oga e tau ala i polokalame faale-a’oa’oga i taimi o tuuaga o a’oga ua lagolagoina ma faavaeina I le auai i le lotomalie. Ua tauto lenei matagaluega ia:

- (1) Saunia mo tamaiti a’oga ia tulaga a’oa’oina silisili;
- (2) Filifili faia’oga talafeagai mo le a’oa’oina o tamaiti a’oga; ma
- (3) Isi polokalame o le a fesoasoani i le alualu i luma o le tamaiti a’oga.

I le tausaga 1996, sa amataina ai e le matagaluega se suiga ma faagao'io'iga tuufaatasia e tāua o le Comprehensive Student Support System (CSSS), e maua ai le faaauau o a'oa'oga, agafesoota'i, faa-logona, ma lagolago o le si'osi'omaga faaletino ma auunaga mo tamaiti a'oga uma ina ia faa-faigofie ai lo latou a'oa'oina ma lo latou ausia o tapula'a maua luga faale-a'oa'oga. O le faalapotopotoga a CSSS e agalelei ma lagolagosua i le va o tamaiti a'oga ma faia'oga, aiga, ma ofisa o galulue faatasi o loo faatupuina auunaga fetui ma le taimi ma talafeagai mo tamaiti a'oga uma. O le sini o le faatulagaga o a'oga o le tuuina atu lea o se aafiaga o a'oa'oga i totonu o siosiomaga saogalemu, tausii lelei, faa-failele, ma sologa lelei le a'oa'oina atu ma le a'oa'oina mai.

(b) O le tiutetauave a soo se tamaiti a'oga e faaali uiga faaaloalo, tausaaafia, le-faailogaina, saogalemu, ma amioga ta'uleleia i luga o femalagaaiga a le matagaluega, poo taimi o faagaioiga a le matagaluega i totonu poo fafo o fanua a le a'oga. E lagolagoina lenei gaioiga e le matagaluega e ala i le faatuina lea o ni faatulagaga mataalia i a'oa'iga i totonu o a'oga atoa.

(c) Peita'i, a solia e se tamaititi a'oga i ona uiga se aiaiga faatu, tulafono, poo ni poloaiga a le matagaluega, setete poo tulafono a lena vaipanoa, e mafai e le matagaluega ona faia gaioiga talafeagai e a'oa'i ai ia tusa ai ma lenei mataupu. O le mafuaaga o a'oa'iga faatautaia e le a'oga o le:

- (1) Faalauiloa ma tausii si'osi'omaga faalea'oga e saogalemu ma malupuipua;
- (2) A'oa'o ma faailoa amioga talafeagai o loo aoga atoatoa i faagasologa o a'oa'oga ma atina'eina o le tagata lava ia;
- (3) Taofia tamaiti a'oga mai gaioiga e faalavelave i fuafuaga faalea'oga pe o ni tulaga e faaleagaina ai lona lava tagata, faaletonuina ai o ia lava, poo le tetee i aga-fesoota'i;
- (4) Faatumauina amioga lelei a le tamaititi a'oga ina ia mautinoa le tumau e le motusia o gaioiga faalea'oga ma tiute tauave; ma
- (5) Taofi uiga faailoga (aofia ai le faailoga e le faa-faatulafonoina), amioga faasoesa (aofia ai le faasoesa tau feusuaiga), po'o le amio tau-faafefe i se tamaititi a'oga e faavae i luga o se vaega puipua.

(d) O se tagata faigaluega a le a'oga o loo faatautaia po'o auai i se polokalame a le a'oga, faagaioiga, po'o se galuega o lagolagoina po'o faatagaina e le matagaluega, pe o faafaigaluegaina ina ia auai i le faatinoina o galuega faalea'oga, e i ai le fuafuaga tatau e tu saoloto mai fevesiaiga e le talafeagai ma faamata'u o se faafitauli po'o gaioiga faasaua, po'o mea uma e lua, e faia e tamaiti a'oga e faasaga ia i latou.

(e) I se faaopoopoga i fa'agaioiga e a'oi ai i lalo o lenei mataupu, o tupe faafo'i ona o le faaleagaina o meatotino po'o le faatamala e tatau ona faia e tusa ai ma aiaiga o lenei mataupu. O le mafuaaga o tupe faafo'i o le tau faavaivaiina lea o le faaleagaina o meatotino ma le faatamala ma ia faamautinoa le toe totogiina o tau o meatotino a tagata lautele ua faaleagaina ona o gaioiga o le fa'aleagamea ma le faatamala.

(f) E i ai taimi e alaga-tatau ai ona faia e leoleo ni faatalanoaga ma tamaiti a'oga pe ave fo'i i latou i le fale puipui. O lenei mataupu o loo faamoemoeina fo'i e puipuiina aiā tatau ma naunautaiga a tamaiti a'oga o loo auai, e galulue faatasi ma leoleo i le faatinoina o latou tiute, e faatumau le si'osi'omaga a le a'oga, ma faamatala tiutetauave a le afaigaluega a le a'oga. [Eff 9/1/82; am 5/23/86; am ma comp 7/19/93; am ma comp 5/19/97; comp 2/22/01; am ma comp 9/10/09; am ma comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

**§8-19-2 Faaugaina.** Faapei ona Faaogaina i le mataupu lenei:

“Gagana Masoā” o lona uiga o feau tautala e faaoga ai upu i se auala e lē talafeagai ma e ono aofia ai ae le gata mai i le palauvale, fai-pona, po’o le laulauvavale.

“Faaoolima” o lona uiga o le faia ma le loto i ai, ma le iloa, poo le faatalalē ua aafia se manu’aga tuga faale-tino po’o manu’a o le tino i se isi tagata, o faaoga pe leai foi, se mea faigaluega matautia.

“Amioga tau-faafefe” o lona uiga o soo se gaioga tusitusia, tautalagia, fa’aata, poo se gaioga faaletino e afaina ai, faatigā, faamā pe faafefe se tamaititi a’oga, e aofia ai latou i vaega puipuia, o loo matuia, faatumau, pe faifaipea ona maua ai lea o se si’osi’omaga faalea’oga e taufaafefe, lamatia pe faasauā foi.

“Gaoi” o lona uiga o le ulufale po’o le tumau i se fale a’oga o loo ona pe vaaia e le matagaluega e aunoa ma le faatagaga a le a’oga ma le manatu e faia se solitulafono i se tagata, pe o se solitulafono i meatotino a le a’oga po’o se isi meatotino o loo i ai i le a’oga.

“Auaunaga mo Soifua Manuia o Tamaiti” o lona uiga o Auaunaga mo Soifua Manuia o Tamaiti a le Matagaluega mo Auaunaga o Tagata Lautele a le Setete o Hawaii.

“Lala o le Tausiga o Aiā Tatau a Tagata” o lona uiga o le vaega i totonu o le matagaluega e gafa ma le mata’ituina ma/poo le faia o su’esu’ega o le faailoga tagata, faasaua (e aofia ai le faasoosa tau fesusuaiga), ma/poo faitioga ona o amioga taufaafefe e pei ona faamatalaina i lenei mataupu.

“Faamisiina o vasega” o lona uiga o le toesea o se tamaititi mai le vasega e aunoa ma le faatagaina.

“Pule sili o Falea’oga” o lona uiga o le pule sili o falea’oga ma fanua o loo i totonu.

“Uta Faasa” o lona uiga o se meatotino, e ese atu mai meatotino e faasaina ona gaosia, pe taofia, e pei ona faamatalaina e tulafono a le a’oga, e faasaina i luga o nofoaga o a’oga, ona o taimi o tuana’i sa mafua ai manu’aga o le tino po’o le faalavelave i a’oa’oga.

“Vailaau Malosi” o lona uiga o fualaau faasaina poo vailaau malolosi e pei ona faamatalaina i vaega I i le V i le mataupu 329, Tulafono Toeiloilo a Hawaii.

“Faasa’oga ma fonotaga ma le tamaititi a’oga” o lona uiga o fonotaga a se tamaititi a’oga ma se pule, latou faia’oga, ma/poo matua ma maua ai faatonuga i le faatino o amioga talafeagai.

“Aveeseina o faafitauli” o lona uiga o le aveeseina vave o se tamaititi a’oga mai le a’oga ona o se faalavelave faafuase’i, ona o amioga a le tamaititi a’oga ua iloa manino, lamatia vave i le saogalemu faaletino a le tamaititi a’oga po’o isi, po’o ua matua faalavelave tele le tamaititi a’oga ma ua faate’a ese vave ai le tamaititi a’oga ina ia faasao ai aiā tatau a isi tamaiti a’oga ina ia faaauau a latou a’oa’oga e aunoa ma le soona faalavelave.

“Taufaafefe i luga o fesoota’iga faaeletonika” o lona uiga o gaioga, e aofia ai ae le faatapulaaina i fe’avea’iga i luga o le initaneti, telefoni feavea’i, poo isi masini e leai ni uaea ae taofi i lima ua amataina e se tamaititi a’oga e faasaga i se isi tamaititi a’oga po’o se afaigaluega a le matagaluega e manau’alia, afaina, faamā, pe faafefeina le tamaititi a’oga po’o le afaigaluega; ma e matuā matuia lava, pe faifaipea e ono mafua ai se si’osi’omaga faalea’oga e tau-faafefe, tau-faamata’u pe faasauā. O Taufaafefe i luga o fesoota’iga faaeletonika e mafai ona tupu i:

- (1) Le lotoā, poo isi nofoaga a le matagaluega, i luga o femalagaaiga a le matagaluega, po’o i taimi o gaiouga e lagolagoina e le matagaluega po’o mea e tutupu i luga poo fafo atu o le lotoā a le a’oga;
- (2) E ala i tulaga faamaumauga a le matagaluega e aunoa ma fesootaiga faataga a le matagaluega; pe
- (3) E ala i se fesootaiga tau komepiuta i fafo atu o le lotoa a le a’oga, pe afai o amioga e aafia ai le si’osi’omaga faalea’oga.

O se faaopoopoga, o taufaafefe i luga o fesoota’iga faaeletonika e mafai fo’i ona faavae i luga o vaega puipuia a le tagata, e aafia ae le gata i, ituaiga tagata, lanu, tapuaiga, itupa, feusua’iga, itupa faailoa, faailoga itupa, tausaga, tupuaga faaleatunuu, tupuaga, le atoatoa le tino, foliga faaletino ma uiga, ma tulaga tau tamaoiga.

“Meafaigaluega mata’utia, poo ‘mea faataumaoi’” o lona uiga o se mea faapā, mea faigaluega, mea faitino, poo vailaau oona, pe iai pe leai se ola, I lona tulaga o le faaogaina po’o o lona fuafuaina e fao’o ai le oti po’o se manu’a o le tino. O faata’ita’iga o nei oloa e aafia ai ae le gata i naifi, masini o pomu paipa, mea faapāpā, vailaau faapipisi, vailaau malosi, aupega fusuaga e pei o la’au, ma fetu maai; ma mea e leai ni ola e pei o paipa, la’au, poo pate pesipolo e sasau i se tagata i uiga taufaafefe ina ia mafua ai manu’a o le tino.

“Aupega mata’utia” o lona uiga o se mea faigaluega e tasi lona auivi ma le mafua’aga o le fao’oina o manu’a o le tino po’o le oti fo’i. O faata’ita’iga nei o mea faigaluega e aafia ai ae le gata i naifi laiti, naifi tele, pelu, naifi faamoe, kalapu, faga meme’i, kalapu, u’amea, poo isi meatau e mafua ai le manu’a i le tino poo le oti.

“Matagaluega” o lona uiga o le matagaluega o a’oga.

“Taofia” o lona uiga o le taofia o se tamaititi a’oga i le lotoa o le a’oga, i itula e leai ni a’oa’oga, ona e manaomia e le tamaititi a’oga ona faatinoinga gaiouga faalea’oga ma isi gaiouga o loo faatonuina e le au ofisa o le aoga ose tulaga o faatinoga o a’oa’iga mo le amioga le tatau a le tamaititi a’oga.

“A’oa’iga siitia” o lona uiga o le aveesea o se tamaititi a’oga mai le a’oga o loo auai ona o le solia o le vaega tulafono 8-19-6. O A’oa’iga siitia e le aafia ai mataupu e aafia ai le faaleaogaina o le faataga e a’oga tau savali ai i isi nofoaga i lalo o le mataupu 13 o le ulutala 8, i lalo o tulaga e le faaleaogaina ai le mafuaaga sa faatagaina ai le a’oga tau savali atu ai i nisi nofoaga.

“Faailogaina” o lona uiga o le faaesea le auai i totonu po’o le te’ena o penefiti a le pulega a le matagaluega mai i ona polokalame ma gaiouga faalea’oga, pe o le a ese le faiga o le tamaititi a’ogae faavae i luga o vaega puipuia.

“Faate’aina” o lona uiga o le aveeseina o se tamaititi a’oga mai A’oga a le Malo i Hawaii mo le vaega totoe o le tausaga a’oga po’o se vaega taimi e lē lalo ifo ma le tasi le tausaga faa-kalena mo soliga tulafono o aupega.

“Amioga Lētaupulea” o lona uiga o amioga o mulimuli mai, po’o gaiouga i le lotoā, po’o isi nofoaga a le matagaluega, i luga o femalagaaiga a le matagaluega, po’o i taimi o se fa’agaioiga e lagolagoina e le matagaluega, po’o se mea o tupu i luga po’o fafo atu o le lotoā a le a’oga:

- (1) Auai i fusuaga po’o amioga taufaamata’u, pe o amio faasauā pe o amioga lē mautonu e pei o le soona eē pe o le soona leotele, po’o mea uma e lua;

- (2) Faia o ni pisapisao lē talafeagai e faapogai ai le faalavelaveina o faagaioiga masani a le a'oga;
- (3) Faia o so'o se faaupuga le migao ma faatigā, taga, po'o le faaalā, po'o le lafoa'i gagana masoā i so'o se tagata o loo auai, e ono faasoaina se tali tete'e;
- (4) Fausiaina se tulaga mata'utia po'o se faatigā faale-tino e tau ala mai i soo se gaioiga e le o faatinoina i lalo o so'o se laisene po'o se pemitā faatagaina;
- (5) Punitiaina pe faalavelaveina o so'o se tagata i totonu o a'oga a le malo mo le faamoemoe o le 'aisi pe o le talosagaina o tupe po'o nisi ituaiga fesoasoani; pe
- (6) Fesoota'iga faaletino lē talafeagai e aofia ai, ae le gata mai i feusuaiga ua iai le maliliega po'o maliliega i pa'iga o vaega o le tino, po'o mea uma e lua.

“Mea faaoga mo vailaau” o lona uiga o soo se meafaigaluega, oloa, pe soo se ituaiga mea fai tino, pe tuu faatasia o mea e faaogaina, faamoemoe e faa'ogaina, fuafuaina mo le faa'ogaina, i le totoina, seleseleina, gaosia, teuina, faaputuga, nanaina, tuiina, tausamiina, mānavaina, ia pe o le faauluina i totonu o le tino se vailaau malosī e solia ai lenei mataupu. E aofia ai, ae le gata i:

- (1) Pusa, masini, mea faigaluega, pusa vaevae, fua paleni, masini palu, ipu supo, koneteina, sipuni, taga, paluni, teutusi, isi mea fa'aaogaina, faamoemoe mo le faaogaina, pe foafoaina mo le faaogaina i le sauniuniga, gaosiina, paluina, faaputuina, pe nanaina o vailaau malosī;
- (2) Tui, nila, ma isi mea fa'aaogaina, faamoemoe mo le faaogaina, pe foafoaina mo le faaogaina e ala i le tuiina o vailaau malosī i le tino o le tagata;
- (3) O mea fa'aaogaina, na faamoemoe mo le faaogaina, pe foafoaina mo le fa'aaogaina e ala i le taumafaina, manavaina, ia pe o le fa'aofiina o mariuana, kokeini, hashish, po'o le suau'u hashish, po'o isi ituaiga vailaau malosī pei o le aisa, po'o fualaau faasaina i totonu o le tino a le tagata, e faapei o:
  - (A) Uamea, laupapa, tioata, sioka, palasitika, po'o paipa ele, paipa vai, asu pupuni, kilipi; o lona uiga o mea fa'aaogaina e u'umia ai mea o lo'o mu e pei o sikareti mariuana, ua la'ititi tele pe pupu'u tele e u'u i le lima;
  - (B) Sipuni kokeini laiti, ma ipu kokeini, paipa tapa'a, paipa aisa, po'o pusa aisa; ma
  - (C) Soo se isi lava mea faaoga mo vailaau malosī o loo faamatalaina ma faauigaina e tusa ma le vaega 329-1, Tulafono Toeiloilo a Hawaii.

“Tagata faigaluega a le a'oga” o lona uiga o so'o se pule, tagata faapitoa, faufautua, faiaoga, po'o tagata faigaluega o le matagaluega, po'o se tagata volenitia i se polokalama a le a'oga, fa'agaioiga, po'o gao'iiio'iga e lagolagoina pe faatagaina e le matagaluega, po'o se tagata faa-faigaluegaina e le matagaluega faa-konekarate ma e auai i le faatinoina o galuega faalea'oa'oga.

“Faomea” o lona uiga o se gaioiga e faia e se tagata e:

- (1) Mauaina, pe pule faamalosi i luga, o meatotino po'o auunaga a le tasi ma le faamoemoe e aveesea o lena tagata mai le mauaina o mea totino po'o auunaga e ala i tau faamata'uina i upu po'o ni amioga e:



- (A) Faatupuina se manu'a o le tino i le lumana'i i se tagata ua faamata'uina poo se isi lava tagata;
- (B) Faaleagaina meatotino;
- (C) Noatia le tagata ua faamata'uina po'o soo se isi tagata e ala i le faasasa pe taofiofia;
- (D) Fa'aalia se mea lilo pe faasalalauina se faamaoniga moni, pe moni pe sēsē, taumafai e noatia se tagata i le ita, ta'u faatauva'a, po'o le tauemu; pe faaleagaina le igoa ta'uleleia a le tagata po'o le talaaga a le pisinisi
- (E) Fa'aalia soo se faamatalaga sa taumafai e nana e le tagata o loo faamata'uina po'o se isi lava tagata;
- (F) Molimau tuuina atu faamatalaga, pe taofiofi molimau po'o faamatalaga e tusa ai ma se moliga po'o se puipuiga faaletulafono a se tasi;
- (G) Talia pe taofiofi se gaoiga ona o se tagata faigaluega a le malo, pe faatosina se tagata faigaluega a le malo ina ia talia pe taofia na gaoiga;
- (H) Aumai pe fa'auau se tetee, faamalosiaga, po'o se isi gaoiga tuu faatasia, ina ia maua mai meatotino e le o talosagaina pe taliaina mo le penefiti o se vaega o loo manatu le tamaititi a'oga e suitulaga; pe
- (I) Faia o so'o se isi gaoiga e le maumaua'i pe a na o ia lava manuia le tagata o loo faia le gaoiga ae peitai o lea sa fuafuaina ina ia matu'a afaina ai se isi tagata e tusa ai ma lona soifua maloloina, saogalemu, a'oa'oga, pisinisi, valaauina, matātā, tulaga tau tupe, ta'ulelei o le igoa, ma vafealoa'i ma tagata;
- (2) Unaia pe faamalosia se isi tagata e auai i ni amioga o loo i ai le aia faale-tulafono a lona tagata e faamamao, pe aloese mai amioga o loo i ai le aia tatau a lona tagata e ala i le taufaamata'u i upu pe o amioga e faia soo se gaoiga o loo ta'ua i le parakarafa (A) i le (I) o lenei faauigaina; pe
- (3) Faia pe faatupeina o so'o se aitalafu ua faalatuteleina, pe ao ni aitalafu ua faalautele e ala i uiga faamalosia.

“Fusuaga” o long uiga o le faapogai po'o le faatupuina o fesoota'iga faale-tino e aofia ai le ita po'o le sauā. Fusuaga e aofia ai ae le gata i:

- (1) Auai i le pa'i tino loloto e faaoso ai le ita poo le sauā;
- (2) Faalili, Faasoesa, tau faamata'u, pe tau faafefe nisi ia faatupuina ai le pa'i tino e iai le ita po'o le sauā;
- (3) Tauimasui faaletino ona o le tau faalili, faasoesa, tau faamata'u, po'o amioga tau faafefe; faatupu misa i upu; po'o
- (4) Lagolagosua faale-tino i se fusuaga e ala i le auai ma le faamalosiiaau.

“Aupega” o lona uiga:

- (1) Soo se aupega e aofia ai ae le gata i fana amata, fana umi, fana ea e aofia ai fana BB, fana pulu, fana vali, po'o fana aū pe so'o se mea faitino e mafai pe na foafoaina e fa'aaoga e faalele ai se aupega faapā;
- (2) O lē fuafuaina po'o lē taliaina o so'o se aupega nei;
- (3) So'o se fana ufiufi po'o se fana faafilemu; po'o

- (4) So'o se masini faaumatia. O le upu "masini faaumatia" o lona uiga:
- (A) So'o se mea faapā, faaoso, po'o kasa oona:
    - (i) Pomu;
    - (ii) Pomu Ati;
    - (iii) Roketi e iai le fana peapea;
    - (iv) Fana mu e iai mea faapā po'o fana faaoso;
    - (v) Maina Faapā; po'o
    - (vi) Masini e tai tutusa ma se tasi o masini ua faamatalaina i le vaega muamua;
  - (B) Soo se ituaiga au'upega o le a, pe atonu ua mae'a ona faaliliuina ia faalele ai se meatau lele alu mamao, e aofia ai ae le gata i meatau e faalele ai se au'upega lele alu mamao ona o se isi mea faapā po'o se isi meatau faaoso; po'o
  - (C) Soo se tuufaatasiga po'o ni vaega atonu sa fuafua pe faamoemoe mo le faaogaina i le faaliliuina o so'o se masini o faamatalaina i luga, mai se mea ua maea ona fausia ai se masini faaumatia.

"Tusifaasesē" means:

- (1) O le sainia e se tamaititi a'oga o se igoa o se tasi e ese ma lona ia lava igoa i luga o se pepa po'o;
- (2) O le gaosia lē faatulafonoina po'o le toe gaosia o mea e pei o pepa su'etupe po'o pepa ulufale i taaloga.

"Taaloga faitupe" o lona uiga o le faitemu po'o le lamatiaina o se mea e taua ona o se i'uga e ala i tauvaga po'o se gaioiga i se taimi o i luma e le o puleaina e le tagata po'o se aafiaga, ona o se maliega p'oo se malamalama'aga o le tagata po'o se isi o le a maua se tau taua ona o se i'uga mautinoa. Taaloga faitupe e le aofia ai fefaataua'iga faapisinisi e i lalo o le tulafono o faa-konekarate, e aofia ai ae le gata i konekarate mo le faatauina mai pe o le faatauina atu i se aso o i luma o aseta faatau atu po'o oloa tau faatoaga, ma malilie ia tauia se tupe gau ona ua mafua i se mea sa tupu, e aofia ai ae le gata i konekarate o faamaoniga po'o totogiina o se aitalafu, po'o le ola, soifua maloloina, po'o inisiua mo faalavelave faafuase'i.

"Itupa faailoa" o lona uiga o le auala e fa'aalia ai e se tagata lona itupa i isi, e masani i amioga, lavalava, teuga o le ulu, gaioiga, leo, po'o isi amioga.

"Faailoga Itupa" o lona uiga o faalagona loloto a se tagata o ia o se tama, teine, po'o se isi, e tusa lava pe afai o le faailoga itupa e ese i le tino mai o le tagata po'o le ituaiga tagata i le taimi na fanau ai. E tofu le tagata ma lona faailoga itupa.

"Faasoesa" o lona uiga o so'o se taufaamata'u, taufaifai, po'o amioga faasauā, e mafai ona tusitusia, faaupu, pe faale-tino, ma e aga'l atu e teena se tamaititi a'oga, e aofia ai latou o iai vaega puipuia. O amioga faasoesa e tatau ona iai aafiaga o le:

- (1) Tuuina o se tamaititi a'oga i se tulaga fefe e afaina ai lona tagata po'o se meatotino;
- (2) Faalavelave i le taumafai faalea'oga a se tamaititi a'oga, avanoa maua, po'o penefiti; pe
- (3) Faalavelave i le sologa lelei o le a'oga.

“Faaulu” o lona uiga o se amioga po’o se metotia e ofi atu ai i totonu o se faalapopotoga a tamaiti a’oga po’o se gaoiiga, pe i totonu o le lotoā, po’o isi nofoaga a le matagaluega, i luga o femalagaaiga a le matagaluega, po’o i taimi o gaoiiga e lagolagoina e le matagaluega po’o gaoiiga i luga po’o fafo atu o le lotoā a le a’oga, e matua’i afaina ai le tino po’o le mafaufau a se tamaititi a’oga. O ia amioga e aofia ai, ae le gata i le sasaina, fasi, faailogaina, faamalositino faamalosi, aafia i le tau, faamalosia le taumafaina o so’o se meaai, ava malosi, meainu, vailaau faasaina po’o se isi mea faitino, fa’aalia le mataga, po’o se isi uiga pe faamalosi se gaoiiga faaletino e ono aafia ai le tino po’o le soifua maloloina faale-mafaufau, pe o mea uma e lua, po’o le saogalemu o se tamaititi a’oga, po’o se mea e aafia ai le mafaufau a le tamaititi a’oga, e aofia ai le faasaina o le moe pe malolo, faa-nofoesee i se taimi umi, po’o faalumina faale-tagata.

“Ave faamalosi” o lona uiga o le faamalosia mai i se isi e ala i le tau faamata’u pe o amioga taufaamata’u.

“Fasioti tagata” o lona uiga o le faatupuina o le maliu o se isi tagata.

“Fa’aaogaina lē talafeagai pe fesiligia, pe o mea uma e lua, o mea mai i luga o le initaneti ma mea faigaluega” o lona uiga o se tamaititi a’oga e le’i tausisi i ta’iala a le vaega a le matagaluega ma le vaega faa-tekinolosi a le a’oga. Faata’ita’iga o mea lē talafeagai po’o gaoiga fesiligaina o komipiuta a le matagaluega ma punaoa o fesoota’iga, e aofia ai ae le gata i le faaleaogaina pe aloesea o faamama, polokalame taaloga faitupe, polokalame faasoa musika, ata mataga ma ata e le lagolagoina e le misiona ma le faamoemoe a le matagaluega.

“Vailaau faasāina” o lona uiga o vailaau, taofiina, tufatufaina, taumafaina, gaosiaina, faaogaina, faatauina, pe tilivaina, o mea o loo faasaina i lalo o le mataupu 329, Tulafono Toeiloilo a Hawaii ma mataupu 712, vaega IV, Tulafono Toeiloilo a Hawaii.

“Fesoasoani Faafuase’i” o lona uiga o auunaga faapitoa ofoina i se taimi vave, ae le sili atu ma le fitu sefulu lua itula talu ona maua le faitioga, i se isi po’o laua uma, lē tagata faitio/lē na molia pe o se tali e aofia i le faitioga e pei ona talafeagai ina ia puipuia ai tamaiti a’oga mai mafuaaga e ono iai le faasoesa po’o amioga taufaafefe, e aofia ai le faailoga lanu, feusua’iga, po’o le faailoga tagata ona o le lē atoatoa o le malosi o le tino ma le mafaufau, faasoesa po’o le faafefe. O fesoasoani faafuase’i e mafai ona ofoina ae le’i faia sailiiliga pe a o faatali i se sailiiliga. O fesoasoani faafuase’i a o faatali i le sailiiliga e mafai ona aofia ai fautuaga, faalautele o taimi poo isi fetuutuuna’iga faalea’oga, suiga o galuega poo vasega, faasavaliga, faasa fesoota’iga i le va o itu e lua, toeseaga, faateleina le puipuiga ma vaavaaiga o nisi vaega o le lotoa a le a’oga, poo isi tulaga tau tutusa. Fesoasoani Faafuase’i e mafai ona faatulagaina e le matagaluega i luga o mataupu i le mataupu ma i se taimi le tumau pe a uma ona mauaina se faasilasilaga o se faitioga ma ae le’i iai se l’uga — sailiiliga, a’oa’iga, poo se fofo — ua naunauta’i. O nei faiga e mafai ona faatulagaina ina ia faasaoina a’oa’oga a le tagata o faitio/molia, faamautinoa le saogalemu o itu uma e lua ma le matagaluega a le nuu lautele, faatumau le faamaoni ma/poo le faasologa o faatautaia, ma aloese mai le tauimasui. Fesoasoani faafuase’i e tatau ona faaavanoa i vaega uma o sailiiliga. E mafai ona teuteuina pe to’esea ao aoina faamatalaga faapoopoina.

“Faatonuga ta’itasi e aofia ai amioga faafitauli a le tamaititi a’oga ” o lona uiga o faaiuga o se gaiouga e a’oai ai o le tamaititi a’oga o le a maua faatonuga faapitoa e faasino tonu i amioga faafitauli a le tamaititi a’oga. Faata’ita’iga o faatonuga faapitoa e aofia ai ae le gata i le atina’eina ma faatinoina o fuafuaga mo amioga o loo lagolagoina, atina’eina o konekarate faaleamio, poo a’oa’oga mo fesoota’iga, poo tuufaatasiga o mea o i luga.

“Fouvale” o lona uiga o le lē amanaiaina poo le musu e usita’i i se faatonuga a le faiaoga, leoleo, poo se isi tagata faigaluega a le matagaluega e agavaa e tuuina atu.

“Faate’a i-tononu o le a’oga” o lona uiga o se tamaititi aoga ua faate’a mo se taimi le tumau mai polokalama a lana/ana a’oga ae tumau pea i lalo o le vaavaaiga a le afaigaluega a le a’oga ia faamaeaina mea a’oga.

“Sui a’oga i se taimi le tumau poo le Interim alternative educational setting” poo “IAES” o lona uiga o se tulaga le tumau mo se tamaititi a’oga ua faate’a poo ua aveesea mai a’oa’oga o loo auai ona o amio le taupulea o loo maua ai pea aunaga faalea’oga o faaaauu pea ina ia maua a’oa’oga ia mafai e le tamaititi a’oga ona auai i a’oa’oga lautele ma aga’i ai i luma ia ausia sini ua faatulaga mo le tamaititi a’oga mai le IEP.

“Faaaogaina o vailaau malosii” o lona uiga o le faaaogaina o soo se vailaau, e mafua ai le faalavelaveina o le faatinoina o le tino poo le mafaufau e aofia ai ae le gata i le ava malosii.

“Peni/faasino leisa” o lona uiga o se masini e faasusuluina se aveuila pupula ae aliali mai o se togi i luga o soo se vaega o loo sulugia ma e leai se faatagaina mai le matagaluega i le faaaogaina. Vagana ua faatagaina, o le umia poo le faaaogaina e Le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaiouga e lagolagoina e le matagaluega poo i luga poo fafo atu o le lotoā a le a’oga.

“Tuua le lotoā e aunoa ma le faataga” o lona uiga o le tuua o le nofoaga a le a’oga, fale a’oga a le matagaluega, poo polokalame a le matagaluega e aunoa ma se faatagaina muamua mai le au ofisa a le a’oga.

“Amioga faafitauli maualalo” o lona uiga o amioga faaalua e maualalo pe le tupu tele, fesoota’iga puupuu, ma e le oo i se afaina matuia.

“Meli” poo “ua meli” o lona uiga o mea na lafo e ala i:

- (1) Meli masani;
- (2) Meli faamaonia; poo
- (3) Talosagaina risiti taliaina.

“Amioga faafitauli itiiti” o lona uiga o amioga faaalua e faaititia amioga faafitauli e aofia ai, ae le gata i mea o loo taua nei.

- (1) “Tetee/le faaaloalo/le-usita’i” o lona uiga o le tamaititi a’oga ua auai i se taimi puupuu pe maualalo le tali i talosaga a se tagata matua;
- (2) “Faalavelaveina” o lona uiga o tamaiti a’oga e auai i uiga ae maualalo, le talafeagai le faalavelavea;
- (3) “Solia tulafono o laei” o lona uiga o le tamaititi a’oga e laei i ofu e le o faatagaina e tulafono o laei e pei ona faamatalaina e le a’oga;
- (4) “Gagana le talafeagai” o lona uiga o le tamaititi a’oga ua auai i se tulaga maualalo o le faaaogaina o se gagana e le talafeagai;
- (5) “Fesoota’iga o le tino” o lona uiga o le tamaititi a’oga ua auai i se tulaga e le matuia, se fesoota’iga o le tino e le talafeagai;

- (6) “Faaoga sese meatotino” o lona uiga o le tamaititi a’oga ua auai i se tulaga maualalo o le faaoga sese o meatotino;
- (7) “Tuai” o lona uiga o le tamaititi a’oga sa taunuu i le a’oga i le taimi ua uma ona amata, pe taunuu le tamaititi a’oga i le vasega i le taimi ua uma ona amata, poo mea uma e lua.

“Faatamala” o lona uiga o le faatamala i le faaogaina o vaavaaiga e pei o se vaavaaiga a se tagata i tulaga taututusa e ono afaina ai se tagata, pe le iai, faaleagaina, malepe, pe faaleaogaina o tusi a’oga, mea faigaluega, poo sapalai.

“Matua” o lona uiga o matua fanau, faatulafonoina, tausi faatulafonoina poo se isi vaaiga faaletulafono a le tamaititi a’oga. Mo tamaiti a’oga e sefuluvalu pe sili atu o tausaga, o aia tataua uma a matua o lenei ua faamatuu atu i le tamaititi a’oga, se’i vagana o matua fanau, matua faatulafonoina, poo se isi tausi faatulafonoina o iai le aia faaletulafono ina ia faia filifiliga mo le tamaititi a’oga.

“Faaleagaina o meatotino” poo “faaleaga fua” o lona uiga:

- (1) Faaleagaina o meatotino a le a’oga poo se isi tagata;
- (2) Faatamaiaina pe faaleagaina o meatotino a le a’oga poo fale a’oga; pe
- (3) Faatamaiaina pe faaleagaina o mea a’oga, e pei o ae le gata i api, kata mo igoa, poo kata taumafataga.

“Puipuiga vaega/tulaga” mo le faamoemoega o lenei mataupu e aofia ai ituaiga tagata, lanu, tapuaiga, itupa, feusua’iga, itupa faailoa, faailoga itupa, tausaga, tupuaga faaleatunuu, tupuaga, le atoatoa le tino, foliga faaletino ma uiga, ma tulaga tau tamaoaiga.

“Togfitiga” o auunaga ta’ito’atasi na ofoina i le faai’uga o se sailiiliga na faamautu tulaga o a’oa’oga pe faamautinoa le saogalemu o tamaiti a’oga uma ma le matagaluega a le nuu lautele. Togafitiga mo tamaiti a’oga e aofia ai, ae le gata i, le fetuunaiga o le faasologa o a’oa’oga, ma sauniuniga o auunaga faalea’oga, faafoma’i ma lagolago i le soifua maloloina faalemafauau.

“Tuuina o faailoilo sese” o lona uiga o se tamaititi a’oga ua mafua ai ona logo sese o le afi poo se isi faalavelave faafuase’i pe o se tagata faigaluega poo se volentia mai le matagaluega fuimu, poo se ofisa a le malo, poo se ofisa lautele o loo tagofia i tulaga faafuase’i e lamatia ai le soifua poo meatotino.

“Tupe faafo’i” o lona uiga o le totogiina o tupe poo totogi e le faatupeina i le matagaluega poo le Setete o Hawaii mo se tau talafeagai ona o meatotino a a’oga a le malo ua leiloa, faaleagaina, malepe pe faaumatia ona o le faatamala pe faaleagaina e le tamaititi a’oga.

“Taumasui” o lona uiga o se gaoiga faasino i se tamaititi a’oga ona sa auai faatasi i se gaoiga puipuia. Gaoiga puipuia e aofia ai le failaina o se faitioga ona o se faailogaina, faasoesa (e aofia ai le faasoesa faamalosi), poo amioga faafefe; auai i se faitioga poo faagasologa o sailiiliga e feagai ma faailogaina, faasoesa (aofia ai faasoesa faamalosi), poo amioga taufaafefe; fesiligiaina aia i lalo o lenei mataupu; poo se isi gaoiga e ese mai mataupu o loo aofia i lenei mataupu. O se gaoiga tosina sese o se gaoiga e ono faavaivai ai se tagata mataala mai se faiga pe lagolagoina se faitioga i lalo o nei tulafono. Faasalaga poo tauimasui e faasaina pe a iai gaoiga puipuia ma na faia gaoiga lelei.

“Gaoi” o lona uiga o le taimi o le gaoi, poo ave faamalosi, o le tamaititi a’oga:

- (1) Taumafai e fasioti se isi tagata, pe afaina pe taumafai e faaoo manuaga matuia i le tino o se tasi tagata; pe
- (2) E iai pe le iai se meafaigaluega matautia:
  - (A) Faaaogaina le malosi e faasino i le isi tagata ma le faamoemoe ia manumalo faamalosi le tino malosi a le tagata pe uuna'l le malosi faaletino;
  - (B) Faamata'u ia faaoga le malosi faasaga'i i le isi tagata poo se tasi o iai ma le faamoemoe ia faamalosia le aveina pe solaese mai le laufanua; pe
  - (C) Faaoo se manu'a matuia i le tino a se tagata.

“A’oga” poo “a’oga a le malo” o lona uiga o a’oga uma ma a’oga e le o kolisi e faavaeina ma tausia e le matagaluega e tusa ai ma le tulafono a le setete.

“Tusi a’oga” o lona uiga o faletusi ma tusi a’oga.

“Au ofisa a le a’oga” o lona uiga o soo se pule, tagata faapitoa, fautua, faia’oga, leoleo puipui a le a’oga, poo se isi tagata faafaigaluega e le matagaluega, e nafa ma le vaaia o tamaiti a’oga. E le aofia ai tagata ta’ito’atasi o loo faatauina a latou auauunaga.

“Solitulafono faalea’oga” o lona uiga o solitulafono e aofia ai meatotino a le a’oga, poo solitulafono sa faia i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaioiga e lagolagoina e le matagaluega poo i luga poo fafo atu o le lotoā a le a’oga.

“Tulafono a le a’oga” o lona uiga o tulafono lautele sa faavaeina e le a’oga.

“Aufaigaluega a le a’oga” o lona uiga o soo se faiaoga, tagata ofisa, poo se isi tagata faafaigaluega e le matagaluega.

“Su’esu’ega” o lona uiga pe a mae’a ona talosagaina se tamaititi a’oga ia tuuina ma le lotomalie uta faasa ma ua faafiti le tamaititi a’oga ma o loo iai talitonuga o le tamaititi a’oga ua solia le tulafono poo aiaiga e pei ona faasaina i lalo o lenei mataupu, pe afai o iai se faafitauli tau soifua maloloina poo saogalemu ona o vailaau faasaina, aupega matautia, meafaigaluega matautia, aupega, poo le tuufaatasia o mea ua taua, o le tagata ofisa a le a’oga ua mafai ona su’esu’eina meatotino ma e aofia ai ae le gata i ato, taga, ato fafa, ofu malulu, seevae, totigi, poo se isi ofu i fafo.

“Faoga faamalosi” o lona uiga o le ave faamalosi o oloa ua maua i taimi o sailiiliga.

“A’oaoga matuia” o lona uiga o a’oa’iga faalea’oga e aofia ai faate’aina, a’oa’iga siitia, aveeseina o faafitauli, ma faamalologa e sili atu ma le sefulu aso pe a aafia ai le tamaititi a’oga o loo auai i aveesega o faafitauli poo faasalaga e sili atu ma le sefulu aso a’oga i le kuata e tasi.

“Sauaga feusua’iga” o lona uiga o le faia o se fesoota’iga faaletino e le faatagaina i uiga tau feusuaiga i se tagata, e tusa pe o se tagata masani poo se tagata ese. O nei fesoota’iga e le faatagaina e mafai ona tupu e aunoa ma le maliega a le tagata, pe afai o le tagata sa le atoatoa le malosi pe sa i se tulaga e le mafai ona tuu atu se maliega. Maliega o lona uiga o le ioe, mautinoa, ma le lotomalie e faia le maliega e uiga i ituaiga o feusuaiga. Afai o le tamaititi a’oga sa sauaga feusuaiga ma e i lalo o le tausaga o le maliega, o le a faamaumuina e leai se maliega sa tuuina. O sauaga feusuaiga o se ituaiga o feusuaiga faasoesa.

“Feusuaiga faaaogasesē” o lona uiga o le solia o tulaga feusuaiga puipuia a se isi poo le faaoga faamalosi o se isi e aunoa ma le maliega ma pe a afai o ia amioga e le o iai ni faiga o sauaga feusuaiga. Maliega o lona uiga o le ioe, mautinoa, ma le lotomalie e faia le maliega e uiga i ituaiga o feusuaiga. Afai o le tamaititi a’oga sa feusuaiga faaaogasesē ma e i lalo o le tausaga o le maliega, o le a faamaumuina e leai se maliega sa tuuina. O feusuaiga faaaogasesē o se ituaiga o faasoesa faaleituaiga.

“Faasoesa faaleituaiga” o lona uiga o soo se amioga le mana’oina, le taliaina, pe le talosagaina faaupu pe faatino i uiga feusuaiga e faasino i se tagata ona o lona itupa. Faasoesa faaleituaiga e aofia ai talosaga mo feusuaiga poo faatosinaga faaleituaiga pe a gauai pe teena o amioga e matuia poo tulaga o a’oa’oga a se tamaititi a’oga poo le auai i se polokalame a le matagaluega, gaoiga poo aunaga; poo le gauai pe teena o amioga e faaaogaina ia faavae ai filifiliga e aafia ai a’oa’oga a le tamaititi a’oga pe auai i se polokalame a le matagaluega, gaoiga, poo auunaga. Faasoesa faaleituaiga e aofia ai fo’i, ae le gata i le, amioga leaga faaleituaiga, feusuaiga le taliaina, talosagaina feusuaiga, poo upu, taga, poo amioga faaletino faaleusuaiga. E mafai ona aofia ai le pa’i i uiga feusuaiga, faia o ni faamatalaga tau feusuaiga, tausuga poo taga, ata tusitusi poo faaali pe tufatufaina atu ata mataga faafeusuaiga, ata poo tusitusiga, valaau tamaiti a’oga i igoa feusua’i, faasalalau tala feusua’i, faatulaga tamaiti a’oga i feusuaiga, faasalalau, faaaliali, pe faia o imeli poo uepisaite faa-feusuai. O feusuaiga faaaogasesē ma sauaga feusuaiga e i lalo o le faauigaina o faasoesa feusuaiga.

“Faatinoga feusuaiga” o lona uiga o lagona ma faatosina feusuaiga a le tagata i se isi tagata e faavae i le itupa a le isi tagata. O faaupuga masani e faamatalaina faatinoga feusuaiga e aofia, ae le gata i, faaleituaiga, tauatane, tauafafine, fiafia i itupa uma e lua. Faatinoga feusuaiga ma faailoga itupa e le tutusa.

“Ulaula” poo “faaoga o tapaa” o lona uiga o le umiaina, faaaogaina, faatau pe tufatufaina o oloa i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaoiga e lagolagoina e le matagaluega poo i luga poo fafo atu o le lotoā a le a’oga.

“Taumulimuli” o lona uiga o le lua pe sili atu o amioga le taliaina, faasino i se tagata maoti ma ua mafua ai le fefe i le tino, lagona, poo le mafaufau ma fausiaina se siosiomaga faaleaoga e taufaafefe pe sauā.

“Aveese o lavalava ma su’eina” o lona uiga o su’esu’ega, e manaomia ona aveeseina ai lavalava ma faaalii totogasa, fatafata a teine, poo ofu laiti, poo tuufaatasia o mea nei.

“Tuliesega” o lona uiga o le faasaina mai le a’oga mo se vaitaimi i totonu o le tausaga a’oga.

“Naifi faamoe” o lona uiga o soo se naifi e otometi ona matala:

- (1) E ala i le omiga o le lima o se ki poo se isi vaega o le au o le naifi, pe
- (2) Faaogaina le gaioi, kalave, poo mea uma e lua.

“Tagata Taufamata’u” o lona uiga:

- (1) O se faamata'u, i upu poo amio, e faamanu'a ai le tino a se isi tagata pe matua faaleagaina o meatotino a se isi tagata;
- (2) Ma le faamoemoe e afaina, poo le faatamala le mata'utia o le aveesea o se fale, nofoaga potopotoga, poo se nofoaga o felauaiga lautele; poo
- (3) Faaalia se "faatusa" o se fana poo se aupega.

"Gaoi" o lona uiga:

- (1) Mauaina, pe faamalosia le pule i luga o se, meatotino a se isi ma taofia lona tagata mai lona meatotino;
- (2) Mauaina, pe faamalosia le pule i luga o se, meatotino a se isi e ala i le taufaaseseina ma taofia lona tagata mai lona meatotino;
- (3) Mauaina, pe faamalosia le pule i luga o se, meatotino a se isi ua iloa e le tagata na leiloa pe na tuusese, poo na tuuina atu i se mea sese poo le aofa'iga o le meatotino, le igoa a le tagata, poo isi faamatalaga, ma e iai le faamoemoe ia taofia le tagata e ona le meatotino, le tagata ua le mafai ona faia se faatatau e saili ma faailoa le e ona le meatotino;
- (4) Mauaina auaunaga, e iloa e le tagata e faaavanoaina pe a totogi, e ala i le ta'ufaasese, tala pepelo, tusitusiga le sa'o, poo isi auala e aloese mai le totogiina o auaunaga;
- (5) Pulea faatonuga o auaunaga a se isi ina ia le agavaa pe liliu ese auaunaga mo le penefiti o ia lava pe ave penefiti mo se isi e le agavaa ai;
- (6) Le mafai ona totogi tupe o manaomia e ala i le:
  - (A) Mauaina o meatotino mai soo se tasi i le maliega, poo le noatia i se noataga tautulafono, ia faia se totogi tautupe poo se isi totogi faapitoa, mai meatotino poo tupe maua pe mai le tagata lava ia'e ona le meatotino ua faasao i se aofa'iga e tutusa, ma feagai ma le meatotino e faapea o le meatotino' ma ua le mafai ona faia totogi tautupe poo isi totogi faapitoa; pe
  - (B) Mauaina o auaunaga mai se tagata faafaigaluega ona o maliega pe noatia i se noataga tautulafono ia faia tupe totogi poo isi totogi faapitoa o tupe i se tagata lona tolu ona o le faigaluega, ma le faamoemoe e le totogiina le tupe poo totogi faapitoa i le taimi e tatau ai;
- (7) Taliaina, taofiina, pe lafoina o meatotino a se isi, ma le iloa sa gaoia, ma le faamoemoe ia aveesea le e ona le meatotino; poo le
- (8) Gaoi oloa:
  - (A) Nanaina poo le aveina o oloa poo oloa faatau mai soo se faleoloa poo matagaluega faleoloa, ma le faamoemoega e faasese;
  - (B) Suia o tau poo isi faailoga tau i luga o oloa poo soo se oloa faatau a soo se matagaluega faleoloa poo matagaluega[o a'oga] faleoloa, ma le faamoemoega e faasese; poo le
  - (C) Faaliliuina o oloa poo oloa faatau a soo se matagaluega faleoloa poo pisinisi faleoloa mai le tapu i le isi, ma le faamoemoega e faasese.



“Soli fanua” o lona uiga o le ulufale pe tumau i totonu poo luga o fanua a soo se a’oga, fale a’oga a le matagaluega ina ua mae’a faasilasilaga poo talosaga mai le pulega o a’oga poo se leoleo e tuua ese.

“Tia’i a’oga” o lona uiga o le tamaititi a’oga sa le auai i vasega poo i luga o le lotoa a le a’oga e aunoa ma le faataga mai le pule a’oga poo le sui filifilia. [Eff 9/1/82; am 5/23/86; am ma comp 7/19/93; am ma comp 5/19/97; am ma comp 2/22/01; am ma comp 9/10/09; am ma comp **NOV 17 2019**] (Auth: HRS §302-1112) (Imp: Hawaii Const. Art. X, §3; HRS §§302A-101, 302A-1101, 302-1112, 302-1134, 302A-1134.5)

**§8-19-3 Faaaogaina.** (a) O aiaiga o lenei mataupu e faaaogaina mo tamaiti a’oga uma o auai i a’oga a le malo i le tausaga a’oga masani, a’oga i taimi o tuuaga, poo vasega tova e tusa lava le tausaga ma le faaopoopoina atu, o itula e tua atu mai le taimi o a’oa’oga, o tamaiti a’oga nofomau e i lalo o tulafono a nofoaga a’oga na atina’eina e le a’oga ma iai maliega ma matua e faamaonia i tusitusiga e matua, tausi faaletulafono a tamaiti a’oga nofomau.

(b) O tulafono a pulega i Hawaii mo tamaiti a’oga o faaletonu le tino poo le mafaufau e tatau ona faaaoga a’oaiga a tamaiti a’oga o loo agavaa e mauaina a’oa’oga faapitoa poo isi auaunaga i lalo o na mataupu.

(c) Faamatalaga i pule a’oga poo sui filifilia i totonu o soamataupu 2 e tatau ona faauigaina e aofia ai pule a’oga i taimi o tuuaga ona o itu taua’oa’i i a’oga i taimi o tuuaga. Faamatalaga i tausaga a’oga i lenei mataupu o le a faauigaina o vasega i taimi o tuuaga e faaaogaina i taimi o a’oga i taimi o tuuaga.

(d) O a’oaiga i taimi fava ma a’oga i taimi o tuuaga o le a pulea i lalo o soamataupu 3. A’oa’iga a tamaiti a’oga o mauaina auaunaga o a’oa’oga faapitoa i taimi faalautele a le tausaga a’oga o le a pulea i lalo o soamataupu 2 ma taiala ma faatonuga a tulafono a pulega i Hawaii mo tamaiti a’oga e faaletonu le tino poo le mafaufau.

(e) O mataupu uma e feagai ma gaioiga o a’oaiga a tamaiti a’oga ma lipotiina, o mataupu 8-34 e faaaogaina. O se faaopoopoga, o tamaiti a’oga o mauaina auaunaga o a’oa’oga faapitoa, o tulafono a pulega i Hawaii mo tamaiti a’oga e faaletonu le tino poo le mafaufau e faasili.

(f) E leai se gaioiga e faatatau i le faate’aina, a’oa’iga mata’utia, poo tupe faafo’i ona o le faaleagaina pe faatamala e faia vagana ua tusa ai ma lenei mataupu.

(g) O mataupu uma e faatatau i faatalanoaga a leoleo, poo le faapagotaiina, poo mea uma e lua, a tamaiti a’oga e tatau ona faaaogaina e tusa ai ma lenei mataupu.

(h) Mo amioga sa fai e se tagata matua i se tamaititi a’oga e pa’u i lalo o vaega puipui a tamaiti a’oga, vaai mataupu 8-89 mo taitaiga. [Eff 9/1/82; am 5/23/86; am ma comp 7/19/93; am ma comp 5/19/97; am ma comp 2/22/01; am ma comp 9/10/09; am ma comp **NOV 17 2019**] (Auth: HRS §302A-1112) (Imp: Hawaii Const. Art. X, §3; HRS 302A-1101)

**§8-19-4 Motusia.** O soo se aiaiga o lenei mataupu e faaaogaina i soo se tagata poo se tulaga e aoga ai, o le faaleaogaina e le aafiaina isi aiaiga poo isi faaaogaina o lenei mataupu o loo mafai ona tuuina atu e aunoa ma le faaleaogaina o se aiaiga poo se faaaogaina, ma o lenei mea, o aiaiga a lenei mataupu e faamavaeina. [Eff 5/23/86; comp 7/19/93; comp 5/19/97; comp 2/22/01; comp 9/10/09] (Auth: HRS §302A-1112) (Imp: HRS §302A-1112)

**§8-19-4.1 Aiā tatau a le tamaiti a’oga i tulaga faalilolilo.** (a) O faamatalaga e faatatau i faitioga, sailiiliga, ma lipoti e faalilolilo ma o le a tufatufaina i tagata e talafeagai ina ia faamae’a sailiiliga ma faiga o filifiliga.

(b) O faamatalaga faailoaina e faatatau i se tamaititi a’oga o le a lē faailoaina e aunoa ma se faasilasilaga i matua poo tausī faaletulafono a le tamaititi a’oga.

(c) O su’esu’ega o faamaumauga e tatau ona tausīaina e le matagaluega i se faila tau a’oa’oga e ese atu. [Eff NOV 17 2019] (Auth: HRS §302A- 1112) (Imp: HRS §§302A-1101, 302A-1112)

## SOAMATAUPU 2

### AMIOGA LĒ TAUPULEA MA A’OA’IGA A TAMAITI A’OGA I TAIMI TAUSAGA A’OGA MASANI

**§8-19-5 Gaioga faalea’o’aiga; pulega.** (a) O faamalologa e sili atu ma le sefulu aso poo faamalologa e mafua ai le faamalologa a se tamaititi a’oga e sili atu ma le sefulu aso a’oga i totonu o se kuata e tasi, a’oaiga siitia, faate’aina, ma faalauteleina le aveeseina o faafitauli o le a faatagaina e le pule sili o faiga a’oga.

(b) O le aveeseina o faafitauli ma faamalologa e sefulu aso a’oga pe lalo ifo e faatagaina e le pule a’oga poo le sui filifilia.

(c) I le fuafuaina o a’oa’iga faalea’oga, o le pule a’oga poo le sui filifilia o le a silasila i faamoemoega a le solitulafono, ma le natura ma le mamafa o le solitulafono, ma le aafiaga o le solitulafono i luga o isi e aofia ai gaioga sa faia e se isi poo se vaega o tagata e pei o kegi, le tausaga a le solitulafono, ma pe o se solitulafono faifai pea. [Eff 9/1/82; ren §8-19-4, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp] (Auth: HRS §§302A-1112, 302A-1002) (Imp: HRS §§302A-1112, 302A-1002)

**§8-19-6 Amioga faasā a tamaiti a’oga; vaega solitulafono.** (a) O amioga faasaina e faatatau i tamaiti a’oga uma e auai i faiga a’oga a le malo, Le lotoā, poo isi nofoaga a le matagaluega, i luga o femalagaiga a le matagaluega, poo i taimi o gaioga e lagolagoina e le matagaluega poo i luga poo fafo atu o le lotoā a le a’oga.

- (1) Solitulafono Vasega A:
- (A) Faaoolima;
  - (B) Amioga taufaafefe (mo tamaiti a'oga i vasega 9-12);
  - (C) Talepe fale;
  - (D) Taufaafe i luga o fesoota'iga faaeletonika (mo tamaiti a'oga i le vasega 9-12);
  - (E) Meafaigaluega mata'utia, poo vailaau; umiaina poo le faaaogaina o;
  - (F) Aupega mata'utia; umiaina, poo le faaaogaina o;
  - (G) Meafaaaoga mo vailaau; umiaina, faaaogaina, poo le faatauina o;
  - (H) Faomea;
  - (I) Fusuaga;
  - (J) Aupega; umiaina poo le faaaogaina o;
  - (K) Faaoesa (mo tamaiti a'oga i le vasega 9-12);
  - (L) Fasioti tagata;
  - (M) Fualaau faasaina; umiaina, faaaogaina, poo le faatauina o;
  - (N) Vailaau oona; umiaina, faaaogaina, poo le faatauina o;
  - (O) Faaleagaina o meatotino poo le faalegamea;
  - (P) Gaoi;
  - (Q) Sauaga feusua'iga;
  - (R) Feusuaiga faaaogasesē;
  - (S) Faaoesa faaleituaiga (mo tamaiti a'oga i le vasega 5-12);
  - (T) Taumulimuli; poo
  - (U) Tagata Taufaaamata'u.
- (2) Solitulafono Vasega B:
- (A) Amioga taufaafefe (mo tamaiti a'oga i le vasega K-8);
  - (B) Taufaafe i luga o fesoota'iga faaeletonika (mo tamaiti a'oga i le vasega K-8);
  - (C) Faailogaina;
  - (D) Amioga Lētaupulea;
  - (E) Tuuina o faailoilo sese;
  - (F) Tusifaasesē;
  - (G) Taaloga Faitupe;
  - (H) Faaoesa (mo tamaiti a'oga i le vasega K-8);
  - (I) Faaulu;
  - (J) Lē talafeagai pe fesiligia le faaaogaina, pe o mea uma e lua, o le mea mai i luga o le initaneti ma mea faigaluega, poo mea uma e lua;
  - (K) Tauimasui;
  - (L) Faaoesa faaleituaiga (mo tamaiti a'oga i le vasega K-4);
  - (M) Gaoi; poo
  - (N) Soli fanua.
- (3) Solitulafono Vasega C:
- (A) Gagana Masoā;
  - (B) Tipiina o vasega;
  - (C) Fouvale;
  - (D) Peni/faasino leisa; umiaina poo le faaaogaina o;
  - (E) Tuua le lotoā e aunoa ma le faataga;
  - (F) Ulaula poo le faaaogaina o tapaa; poo
  - (G) Tia'i a'oga.

(4) Solitulafono Vasega D:

(A) Uta Faasa; umiaina poo le faaaogaina o;

(B) Amioga faafitauli itiiti; poo

(C) Isi tulafono a le a'oga.

(i) Soo se isi amioga e pei ona faamatalaina ma faasaina i tulafono a le a'oga. O tulafono a le a'oga ta'itasi e tatau ona lolomiina ma faaavanoaina mo asiasiga i le ofisa a le a'oga ma e tatau ona faailoa tamaiti a'oga, aufaigaluega a le a'oga, ma matua ia amioga faasaina i lalo o vasega A i le D o lenei vaega.

(ii) E leai se gaioiga a'oa'iga e gasolo i a'oa'iga matuia e faaeeina mo le solia o se tasi o tulafono a'oga i lalo o solitulafono vasega D.

(b) Soo se tamaititi a'oga e umiaina aupega e tatau ona faate'a mai le a'oga mo le vaiiami e lalo ifo ma le tasi kalena tausaga. O le umiaina poo le faaaogaina o aupega e faasaina i le lotoa, poo isi nofoaga a le matagaluega, i luga o matagaluega, poo i taimi o gaioiga lagolagoina e le matagaluega poo gaioiga i luga poo fafo o le laufanua a le a'oga vagana ai le auai i au afeleti, ma/poo kalapu fanafana a Junior Reserve Officer Training Corp (JROTC) ma a'oga fana, a'oa'oga, ma tauvaga. O le pule sili poo le sui filifilia, i luga o tulaga ta'ito'atasi, e mafai ona fai fesuia'iga i le faate'aina o le tamaititi a'oga ua maua o loo umiaina se aupega. Afai o se tamaititi a'oga ua faate'aina mai le a'oga, o lena tamaititi a'oga e tatau ona tuuina atu ai fesoasoani fesuisuia'i faalea'oga poo nisi fesoasoani e talafeagai e pei ona faamatalaina i le vaega 8-19-11.

(c) Soo se tamaititi a'oga o umiaina, faatauina, pe faaaogaina se aupega mata'utia, naifi faamoe poo se isi naifi e le faaaoga sa'o, vailaau oona, poo fualaau faasaina a o auai i le a'oga e mafai ona faasaina i le auai i a'oga e oo atu i aso a'oga e ivasefulu-lua. Soo se tamaititi a'oga e foliga mai o i lalo o le pulega, sa taumafaina pe faaaogaina vailaau oona poo fualaau faasaina a o le'i auai i a'oga poo auai i gaioiga o vaavaai e le matagaluega i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaioiga e lagolagoina e le matagaluega poo i luga poo fafo atu o le lotoā a le a'oga o le a faasaina ona auai i le a'oga mo aso a'oga e oo atu i le ivasefulu-lua ma o le a'oga tatau ona faatautaia se meafaigaluega e fua ai le faaaogaina o vailaau faasa ina ia faamautinoaina pe manaomia ona faasino le tamaititi a'oga mo su'ega aloaia mo le faaaogaseseina o vailaau e tusa ai ma le vaega 302A-1134.6(f), Tulafono Toeiloilo a Hawaii. O pule a'oga e tatau ona tausisi i aiaiga a lenei mataupu i le faia o sailiiliga o faitioga ua lipotiina ma faailoa matua i gaioiga o a'oa'iga. I se faaopoopoga, o pule a'oga e tatau ona faatulagaina le tamaititi a'oga ia su'e e se tagata su'esu'e faapitoa. O le tagata su'esu'e filifilia o le a faia se aotelega o i'uga ma le tamaititi a'oga, ma faailoa i le pule a'oga faai'uga. O pule a'oga e tatau loa ona faailoa atu i le aiga faai'uga o nei su'esu'ega, ma o aiaiga muamua a le tulafono, ma tuuina atu lisi o fesoata'iga mo ofisa inisiua faafoma'i o loo faatautaia su'ega aloa'ia mo le faaaogaseseina o vailaau. I le taimi o su'esu'ega o lea fesiligiaina le tamaititi a'oga i ni faasologa fesili ina ia faamautinoaina o le tamaititi a'oga e maualalo, maualuga pe maualuga tele le aafiaga o le faafitaula o faaaogaina ai vailaau. Afai o le su'esu'ega faatalanoa e faaaliaina e maualuga pe maualuga tele i'uga, o le tamaititi a'oga o le a faasino mo

se su'ega aloaia mo le faaaogaseseina o vailaau. O su'ega aloaia mo le faaaogaseseina o vailaau e avea ma tuufaatasiga o manatu faafoma'i ina ia faamautinoa e iai se faafitauli o le faaaogaseseina o vailaau, ma afai o lea, ofoina fautuaga mo togafitiga. Afai sa faasino mo se su'ega aloaia mo le faaaogaseseina o vailaau, o tamaiti a'oga e iai inisiua faafoma'i o le a fesiligiaina ia faafesoota'i a latou inisiua faafoma'i ina ia faatulagaina se taimi asiasi. O tagata tomai faapitoa e mafai ona faatautaia su'ega aloaia mo le faaaogaseseina o vailaau e aofia ai fautua faamaonia poo certified substance abuse counselors (CSAC), foma'i faalemafaufau, tausima'i poo advanced practice registered nurses (APRN), faufautua, ma afaigaluega i agafesoota'i faalaiseneina. O le pule a'oga poo le sui filifilia e mafai ona faatagaina le faamalologa mo le tasi i le sefulu aso a'oga. O pule a'oga a faiga a'oga e tatau ona faatagaina faamalologa e sili atu ma le sefulu aso a'oga. I le faatinoina o lenei faitalia ma le fuafuaina o a'oa'iga faalea'oga, o le pule a'oga poo le sui filifilia e tatau ona mafaufauina, le natura ma le mamafa o le solitulafono, le aafiaga o le solitulafono i isi, le tausaga a le solitulafono, ma o le solitulafono o se solitulafono faifai pea. Afai o le tamaititi a'oga ua faate'a ma le auai i a'oga, o le pule a'oga poo le sui filifilia e tatau ona faamautinoaina fesoasoani fesuisuia'i faalea'oga poo se isi fesoasoani talafeagai mo le tamaititi a'oga, ma ia faasino le tamaititi a'oga i auunaga o togafitiga pe fai ma sui i feutana'iga ma afaigaluega a le a'oga e talafeagai pe tusa ai ma tulafono a'oga a Hawaii mo tamaiti a'oga e faaletonu le tino poo le mafaufau, pe a talafeagai.

(d) O gaiouga taua'oa'iga e tatau ona faia mo vasega solitulafono i le vasega faata'ita'i le sefululua e tusa ai ma faagasologa ua faavaeina i lalo o lenei mataupu ma i totonu o filifiliga nei e pei ona fuafuaina e pulega o tofia i le vaega 8-19-5. O faalaa e a'oa'o ai tamaiti a'oga i amiouga talafeagai e tatau ona faavaeina pe a faatautaia i le taimi o a'oa'iga faalea'oga. O filifiliga mo gaiouga taua'oa'iga e aofia ai mea nei:

- (1) Faasa'oga ma fonotaga ma le tamaititi a'oga;
- (2) Taofia;
- (3) Aveeseina o faafitauli;
- (4) Faatonuga faatatau i amiouga faafitauli a le tamaititi a'oga;
- (5) Faate'a i-totonu o le a'oga;
- (6) Tulaga fesuia'i faalea'oa'oga le tumau;
- (7) Le iai se avanoa;
- (8) Fonotaga ma matua;
- (9) Taimi i totonu o le ofisa;
- (10) Tuliesega mo le tasi i le sefulu aso a'oga;
- (11) Tuliesega mo le sefulutasi pe sili aso a'oga;
- (12) A'oga i le Aso Toona'i;
- (13) A'oaiga siitia;
- (14) Faasino i se polokalame fesuia'i faalea'oa'oga;
- (15) Faate'a; poo
- (16) Tupe totogi.

(e) O tamaiti a'oga o le a fautuaina e faaopoopo atu i luga o soo se gaiouga taua'oa'iga ua faia i lalo o soavaega (c) ma (d).

(f) E leai se gaiouga e solosolo i le matuia o a'oa'iga o le a faia i se tamaititi a'oga mo le solitulafono o vasega D.

(g) E leai se tuliesega poo se a'oa'iga matuia o le a faia i luga o se tamaititi a'oga ona o le tipiina o vasega pe tia'i a'oga.

(h) O filifiliga mo gaioiga taua'oa'iga saovaega (c) ma le (d) o le a ta'ua i lalo o a'oa'iga faalea'oga i totonu o le tausaga a'oga.

(i) O a'oa'iga faalea'oga e mafai ona tauaveina i le tausaga a'oga e soso'o pe afai o le solitulafono sa faia a o le'i pasi aso a'oga e luasefulu mai le aso mulimuli o a'oa'oga mo le tamaititi a'oga i le tausaga a'oga lena. [Eff 9/1/82; am ma ren §8-19-5, 5/23/86; am ma comp 7/19/93; am ma comp 5/19/97, am ma comp 2/22/01; am ma comp 9/10/09; am ma comp **NOV 17 2019**] (Auth: HRS §302A-1112) (Imp: HRS §§302A-1112, 302A-1134, 302A-1134.5)

**§8-19-7 Aveeseina o faafitauli.** (a) O le pule a'oga poo le sui filifilia, i tulaga faafuase'i, e mafai ona aveeseina faafitauli se tamaititi a'oga e faavae i luga o su'esu'ega muamua ma maua i'uga o amioga a le tamaititi a'oga o loo manino se taufaamata'u i le saogalemu faaletino a ia lava poo isi pe ua matua faalavelaveina tele ua aveeseina vave le tamaititi a'oga e faasao aiā a isi tamaiti a'oga ina ia faaaauau ma faasao a'oa'oga mai le soona faalavelave.

(b) I le faataunuaina o le aveeseina o faafitauli, o a'oga o e tatau ona faia se taumafaiga ia faailoa matua i se taimi vave e ala i le telefoni.

(c) O se tusi mulimuli ane i le faailoaina o le aveeseina faafitauli e tatau ona tauaao faaletino pe lafoina i le meli i matua. O le faasilasilaga o le aveeseina faafitauli e tatau ona iai tusitusiga o faamatalaga nei:

(1) Tuuaiga o gaioiga ta'itasi sa faia e le tamaititi a'oga e faavae ai le aveeseina o faafitauli;

(2) O tuuaiga o gaioiga ta'itasi sa faamaonia;

(3) Faamatalaga o gaioiga taua'oa'iga; ma

(4) Faamatalaga o aso, taimi ma nofoaga o fonotaga ofoina e pule a le a'oga ia feiloa'i ma matua. Se kopi o le aveeseina o faafitauli o le a lafoina i le meli i le pule sili o a'oga. I se faaopoopoga i le faasilasilaga o le aveeseina o faafitauli i lenei soavaega, o le pule a'oga ma le sui filifilia e tatau ona taumafai ia faamaonia le faasilasilaga e ala i le telefoni i matua.

(d) O se tamaititi a'oga o loo feagai ma le aveeseina o faafitauli o le a faatagaina ia toe auai i a'oga pe afai ua le toe iai se faafitauli o loo aliali mai.

(e) O le aveeseina o faafitauli e le tatau ona faaaauau i le sili atu i le sefulu aso a'oga, vagana ua faatagaina e le pule sili o a'oga i le taimi o se apili. [Eff 9/1/82; am ma ren §8-19-6, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp **NOV 17 2019**] (Auth: HRS §302A-1112) (Imp: HRS §302A-1112)

**§8-19-7.1 Saililiga.** (a) I se taimi vave i le mae'a o aveeseina o faafitauli pe o soo se taimi ua talitonu ai le pule a'oga poo le sui filifilia ua le toe feagai le tamaititi a'oga ma ni gaioiga e gasolo i se tuliesega, o le pule a'oga poo le sui filifilia e mafai ona amataina saililiga mae'ae'a. Faitioga o faailogaina, faasoesa (aofia ai faasoesa faaituaiga), amioga taufaafefe ma/poo tauimasui e noatia ma aiaiga o faitioga ma saililiga i le vaega 8-19-30.

(b) I le faatautaia o sailiiliga, o le pule a’oga poo le sui filifilia o le a faia se taumfaiga lelei i se taimi vave ina ia faailoa matua e faatatau i sailiiliga a le a’oga. Afai ua mae’a taumafaiga talafeagai, ma o le pule a’oga poo le sui filifilia ua le mafai ona faafesoota’i matua, o le a’oga o le a feagai atu ma faamae’a le sailiiliga. O le sailiiliga o le a faia ma faamae’a i se taimi vave. Afai o le pule a’oga poo le sui filifilia o le a filifili e faatino taualumaga mo le tuuina o a’oa’iga matuia e ese atu ma le aveeseina o faafitauli, o le pule a’oga poo le sui filifilia i le taimi ua mae’a ai sailiiliga, o le faia se lipoti tusitusi e aofia ai aotelega puupuu o molimau na fesiligia, nisi faamaoniga, ma mafuaaga a le pule a’oga poo le sui filifilia ua amataina ai taualumaga o a’oa’iga.

(c) O le pule a’oga poo le sui filifilia o le a tuuina atu i matua faasilasilaga o faai’uga e faatatau i le tamaititi a’oga. Afai o le tamaititi a’oga poo matua ua tetee i moliga, o le pule a’oga poo le sui filifilia o le a ta’u atu i matua ma le tamaititi a’oga molimau lagolagoina ai faai’uga a le ofisa o a’oga. O le tamaititi a’oga poo matua e tatau ona ave iai le avanoa e tuuina mai faamatalaga a le tamaititi a’oga i le mea na tupu. [Eff ma comp 9/10/09; am ma comp NOV 17 2019] (Auth: HRS §302A-1112) (Imp: HRS §302A-1112)

**§8-19-8 Tuliesega.** (a) I soo se taimi lava o le pule a’oga poo le sui filifilia e iai mafuaaga e talitonu ai o le tamaititi a’oga sa feagai ma gaoiga e i’u ifo ai i le tuliesega, o le pule a’oga poo le sui filifilia e tatau ona faia sailiiliga I se taimi vave o le mea na tupu. A mae’a sailiiliga ma faai’uga, o le tamaititi a’oga e mafai ona tulieseina pe afai ua maua ma faamaonia i’uga a le pule a’oga poo le sui filifilia. O le pule a’oga poo le sui filifilia e tatau ona faailoa matua e ala i tusitusiga faai’uga ma a’oa’iga faalea’oga.

(b) Afai o le tamaititi a’oga poo matua ua tetee i moliga, o le pule a’oga poo le sui filifilia o le a ta’u atu i matua ma le tamaititi a’oga molimau lagolagoina ai faai’uga a le ofisa o a’oga. O le tamaititi a’oga poo matua poo latou uma e tatau ona ave iai le avanoa e tuuina mai faamatalaga a le tamaititi a’oga i le mea na tupu. Peita’i, afai e le malamalama le tamaititi a’oga i le matuia o moliga, o le natura o taualumaga, ma i’uga e maua mai ai, poo le matua, atamai poo tulaga e faafaigata ai ona faia talanoaga taua, o le pule a’oga poo le sui filifilia o le a talosagaina matua ia auai ma faatasi i talanoaga.

(c) Afai o aofa’i numeru o aso o faamalologa i le kuata e tasi ua sili atu ma le sefulu aso a’oga, o faagasologa o taualumaga i lenei mataupu o le a faaaogaina vagana ua faailoa ese e le tulafono.

(d) O le a tuuina atu i matua faasilasilaga faaupu i soo se tuliesega e tusa lava pe a lona umi. O faasilasilaga muamua o tuliesega o le a faia e ala i le telefoni, pe a talafeagai, ma o faasilasilaga tusitusia o le a tauaaoina faaletino pe lafoina i le meli i matua pe a mae’a sailiiliga. O faasilasilaga o tuliesega o le a aofia ai faamatalaga tusitusia nei:

- (1) Tuuaiga o gaoiga ta’itasi sa faia e le tamaititi a’oga e faavae ai le pogai o le tuliesega;
- (2) O tuuaiga o gaoiga ta’itasi sa faamaonia;
- (3) Faamatalaga o gaoiga taua’oa’iga; ma

- (4) Faamatalaga o aso, taimi ma nofoaga o fonotaga ofoina e pule a le a'oga ia feiloa'i ma matua.

O se kopi o le faasilasilaga o le a lafoina i le meli i le pule sili o a'oga. I se faaopoopoga i le faasilasilaga e pei ona manaomia e tusa ai ma nei soavaega, o le pule a'oga o le a taumafai e faamaonia le faasilasilaga e ala i le telefoni i matua. [Eff 9/1/82; am ma ren §8-19-7, 5/23/86; am ma comp 7/19/93; comp 5/19/97; am ma comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: HRS §302A-1112)

**§8-19-9 Faasologa tatau ma faamalologa e sili atu ma le sefulu aso, a'oa'iga siitia, ma faate'aina.** (a) Afai, e faavae i luga o saililiga, o le pule a'oga poo le sui filifilia e talitonu o le tamaititi a'oga na feagai ma gaioiga ua solia ai lenei mataupu, ma afai o le pule a'oga poo le sui filifilia ua fautuaina o a'oa'iga matuia e ese atu ma aveeseina o faafitauli e ao ona faia, o le pule a'oga poo le sui filifilia o le a faailoa vave le pule sili o a'oga ina ia amataina taualumaga taua'oa'iga e ala i le mauaina o se faataga faaupu mai le pule sili o a'oga.

(b) I le mauaina o le faataga faaupu mai le pule sili o a'oga, o le pule a'oga poo le sui filifilia o le a faia se taumafaiga lelei ina ia faailoa I matua o:

- (1) Le matuia o le a'oa'iga ma mea na tupu,
- (2) Le avanoa e apili ai, ma
- (3) O le gaioiga taua'oa'iga o le a faia i se taimi vave.

(c) I totonu o aso a'oga e tolu mai le faataga faaupu mai le pule sili o a'oga, o le pule a'oga poo le sui filifilia o le a lafoina i le meli se faasilasilaga tusitusiina e faatatau i le matuia o le a'oa'iga ma le mea na tupu faatasi ma le fomu apili i matua. O se saina fesi poo se faataga faaeletonika ua faamaonia a le pule sili o a'oga e uiga i le a'oa'iga matuia na tupu i luga o le fomu ua lava. O se faasilasilaga tusitusia o a'oa'iga matuia o le a aofia ai faamatalaga nei:

- (1) Tuuaiga o gaioiga ta'itasi sa faia e le tamaititi a'oga e faavae ai le pogai o le a'oa'iga matuia;
- (2) O tuuaiga o gaioiga ta'itasi sa faamaonia;
- (3) Faamatalaga o gaioiga taua'oa'iga; ma
- (4) Faamatalaga e iai le aiā a matua e apili i le pule sili o a'oga i lenei taimi e mafai e matua ona faaali molimau, valaau ma toe fesiligia molimau, ma e mafai ona sui e se fautua faaletulafono ma pe afai ua tuuina se faasilasilaga tusitusia i le sui faatulafonoina ae le'i pasi aso e kalena e sefulu ae le'i faia le apili.
- (5) Afai o le tamaititi a'oga poo matua ua mana'o e faila se apili, o le apili e tatau ona toe faafo'i e ala i se tusitusiga ma taliaina e le pule sili o a'oga ae le'i tapunia le pisinisi i le aso a'oga lona fitu mai le aso sa tuuina atu ai le faasilasilaga matuia o le a'oa'iga. E faatagaina le tamaititi a'oga ia auai i a'oga o loo faatalia ai le apili se'i vagana ua maua e le pule a'oga o le auai tino a le tamaititi a'oga e faatupuina ai le lamatiaga tele ia ia lava poo isi ma o aiā tatau a isi tamaiti a'oga ina ia faaauau a latou a'oa'oga e aunoa ma le faalavelavea. Peita'i, o le tamaititi a'oga e le mafai ona auai i soo se gaioiga faalea'oga, e aofia ai ae le gata i afeleti, malaga, poo kalapu.



(d) I le mauaina o le talosaga tusitusia mo se apili, o le pule sili o a'oga o le a, ae le'i pasi aso a'oga e sefulu, faatulaga le apili ma o le a faailoa atu i matua le aso, taimi ma le nofoaga. O faasilasilaga tusitusia o le apili o le a lafoina i le meli i matua ma le pule a'oga poo le sui filifilia ae le'i pasi aso kalena e sefululima ae le'i faia le apili. O le apili e faia e le pule sili o a'oga poo se tagata o le matagaluega e le faaitu'au poo se tagata filifilia e le faaitu'au, e mafai ona avea ma se au ofisa a le matagaluega pe filifilia e le pule sili o a'oga. O le apili o le a faia faapenei:

- (1) O le apili o le a tapunia vagana o le tamaititi a'oga poo matua ua faatalosagaina e faalaua'itele;
- (2) O matua ma le pule a'oga poo le sui filifilia e iai le aiā tatau e tuuina molimau faamaonia, fesiligia molimau, ma fai se molimau tetee;
- (3) O matua ma le pule a'oga poo le sui filifilia e mafai ona sui faatulafonoina faufautua;
- (4) O le pule sili o a'oga poo le tagata filifilia a le matagaluega e le faaitu'au e le manaomiaina ona mulimuli i tulafono aloaia o molimau;
- (5) O le pule sili o a'oga poo le tagata filifilia a le matagaluega e le faaitu'au o le a fuafua faatatau molimau o faailoaina;
- (6) O matua, i le faatupe lava e matua lava ia, e mafai ona faamaumau pe mauaina se kopi o lipine pu'e a le matagaluega, poo faamaumauga mai lipine pu'e a le matagaluega o taualumaga pe a talosagaina mo le faamoemoega e iloilo e le faamasino. O le pule sili o a'oga poo le tagata filifilia a le matagaluega e le faaitu'au o le a pu'e faamaumauga poo lipine pu'e o nei taualumaga;
- (7) O le pule sili o a'oga o le a faia se filifiliga e ala tusitusiga ae le'i pasi aso a'oga e fitu mai le taupinia o le apili o loo faamatala manino ai gaoiga o le a faia ma mafuaaga o nei gaoiga. O le faai'uga ua tusitusia o le a lafoina i le meli pe tauaao faaletino i matua, le loia a le tamaititi a'oga o loo faamauina, ma le kopi i le a'oga. Afai o gaoiga taua'oaiga ua lagolagoina, o le pule sili o a'oga o le a ta'u atu le aofa'i numera o aso faamalologa ma aso amataga ma faai'uga o faamalologa ma ia mafaufauina le numera o aso faamalolo ua uma ona tautuaina e le tamaititi a'oga.

(e) O matua e mafai ona apili le faai'uga a le pule sili e ala i le tuuina o faasilasilaga tusitusia o latou apili ma faamatalaga patino i le mafuaaga ua talosagaina ai se faamasinoga i le pule aoao o a'oga poo le sui filifilia mai le setete faailoaina finauga ma pepa lagolago ma molimau faamaonia o loo apiliina e le tagata. O le apili tusitusiina o le a tuuina atu i le pule aoao o a'oga poo le sui filifili mai le setete ae le'i pasia aso a'oga e fitu mai le aso sa faia ai le faai'uga a le pule sili o a'oga. Afai e leai se talosaga faapitoa mo le faamasinoa, o le pule aoao o a'oga poo le sui filifilia mai le setete o le a faia se filifiliga e faavae i luga o faamaumauga atoa o taualumaga a le pule sili o a'oga ma matua sa faaooina i le apili. O le pule aoao o a'oga poo le sui filifilia mai le setete o le a faia se tusitusiga o faai'uga mulimuli. E faatagaina le tamaititi a'oga ia auai i a'oga o loo faatalia ai le apili se'i vagana ua maua e le pule aoao o a'oga o le auai tino a le tamaititi a'oga e faatupuina ai le lamatiaga tele ia ia lava poo isi ma o aiā tatau a isi tamaiti a'oga ina ia faaauau a latou a'oa'oga e aunoa ma le faalavelavea. Afai o le a faate'aina le

tamaititi a'oga mai le a'oga a o faatalia le apili, o le pule aoao o a'oga poo le sui filifilia mai le setete o le a faia se faai'uga ae le'i pasia aso kalena e luasefulu-tasi mai le aso sa mauaina ai le apili.

(f) I le mauaina o le tusi apili, mai matua poo le sui faatulafonoina a matua, o le faai'uga tusitusia e le pule sili o a'oga ma pepa faamaumau mai le taualumaga mo le soavaega (d) o lenei vaega o le a tuuina atu i le pule aoao o a'oga poo le sui filifilia mai le setete se le'i pasia aso kalena e sefulu. O le pule aoao o a'oga poo le sui filifilia mai le setete o le a su'esu'eina molimau faamaonia ma faia se faai'uga e faavae i le gaoiga taua'oa'iga ae le'i pasi aso kalena e sefulufa. O le faai'uga o le a tauaao faaletino pe lafoina i le meli i matua poo le loia o loo faamauina. I se faaopoopoga, o matua o le a faailoaina le aiā e faaoina ai tusitusiga o tulaga le maalofia i faai'uga ma tuuina atu finauga i le pule aoao o a'oga poo le sui filifilia mai le setete. I le tulaga o matua ua failaina se tusitusiga o tulaga le maalofia mo le umi o faate'aga ona o aupega poo fesuaiga e faavae i luga o le faai'uga a le sui filifili, o le tusitusiga o tulaga le maalofia o le a faalogoina e le pule aoao o a'oga poo le sui filifilia mai le setete. O tusitusiga o tulaga le maalofia ma talosaga e tuuina atu finauga i le pule aoao o a'oga poo le sui filifilia mai le setete e tatau ona mauaina ae le'i pasi aso kalena e lima mai le aso sa faia ai le faai'uga a le pule sili o a'oga, sui filifilia poo le sui filifilia mai le setete. O mafai e mafua ona faaoina se tusitusiga o tulaga le maalofia ma lafoa le aiā e folasia ai finauga; peita'i, e leai se aiā e folasia ai finauga e aunoa ma le faaoina muamua o tusitusiga o tulaga le maalofia. Afai sa faaoina atu e matua i le taimi talafeagai tusitusiga o tulaga le maalofia ma ua talosagaina le aiā e folasiaina finauga, o le pule aoao o a'oga poo le sui filifilia mai le setete o le a, ae le'i pasi aso a'oga e lua mai le mauaina o le talosaga e folasia finauga, faailoa atu i matua le aso, taimi ma le nofoaga e folasia ai latou finauga. O le aso e folasia ai finauga o le a faia ae le'i pasi aso kalena e lima ma e le sili atu ma aso kalena e sefulufa mai le aso o le faasilasilaga na faailoa atu ai i matua le aso, taimi, ma le nofoaga e folasia ai a latou finauga. O le pule aoao o a'oga poo le sui filifilia o le a lafoina i le meli se tusitusiga o faai'uga i matua poo le loia o loo faamaumauina ae le'i pasi aso kalena e sefulufa mai le aso sa folasia ai finauga poo le tulaga o matua ua lafoa a latou aiā e folasia finauga, ae le'i pasia aso kalena e sefulufa mai le aso sa mauaina ai tusitusiga o tulaga le maalofia a matua. [Eff 9/1/82; am ma ren §8-19-8, 5/23/86; am ma comp 7/19/93; am ma comp 5/19/97; am ma comp 2/22/01; am ma comp 9/10/09; am ma comp NOV 17 2019] (Auth: HRS §302A-1112) (Imp: HRS §302A-1112)

**§8-19-10 Taimi faatulaga a'oa'iga faalea'oga.** (a) Afai o gaoiga taua'oa'iga e le mafai ona faia ona sa mafua mai taualumaga o le apili, o le gaoiga taua'oa'iga e mafai ona tauaveina i le tausaga a'oga o sosoo i se isi a'oga a le malo ma e le aofia ai a'oga o tuuaga.

(b) Afai o gaoiga, sa mafua ona o gaoiga taua'oa'iga, sa faia ae le'i pasia aso e luasefulu mai le aso mulimuli o a'oa'oga mo tamaiti a'oga i le tausaga a'oga sa tatau ai fai gaoiga ta'ua'oa'iga e mafai ona tauaveina i le tausaga a'oga e sosoo i soo se a'oga a le malo ma e le aofia ai a'oga o tuuaga.

(c) O lenei vaega e faatatau i solitulafono aupega. O gaioiga taua'oa'iga mo solitulafono aupega e faamalosia e le la'ititi ma le tasi kalena tausaga.

(d) E ese mai isi faamatalaga i saovaega (a) ma le (b), e lei se gaioiga taua'oa'iga e faaauau i tua atu o le tausaga a'oga na faia ai le gaioiga. [Eff 9/1/82; ren §8-19-9, 5/23/86; comp 7/19/93; am ma comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: HRS §§302A-1112, 302A-1134)

**§8-19-11 Fesoasoani fesuisuia'i faalea'oga ma isi fesoasoani mo tamaiti a'oga ua solia lenei mataupu.** (a) O le pule sili o a'oga o le a faamautinoaina o fesoasoani fesuisuia'i faalea'oga poo auai faatasi le lautele poo ofisa tumaoti o loo talafeagai sauniuniga mo tamaiti a'oga uma o loo aveeseina o faafitauli mo se vaitaimi e sili atu ma le sefulu aso a'oga pe faamalolo mo se vaitaimi e sili atu i le sefulu aso a'oga.

(b) Mo tamaiti a'oga um aua faamalolo mo le tasi i le sefulu aso a'oga, o le pule a'oga poo le sui filifilia e mafai ona tuuina atu fesoasoani fesuisuia'i faalea'oga e faavae i luga o manaoga a tamaititi a'oga.

(c) O tulafono a a'oga i Hawaii mo tamaiti a'oga e faaletonu le tino poo le mafaufau e faaogaina e tamaiti a'oga e agavaa i lalo o lenei mataupu. [Eff 9/12/82; am ma ren §8-19-10, 5/23/86; comp 7/19/93; comp 5/19/97; comp 2/22/01; am ma comp 9/10/09; comp NOV 17 2019] (Auth: §302A-1112) (Imp: HRS §§302A-1112, 302A-1128)

### SOAMATAUPU 3

#### AMIOGA LĒ TAUPULEA MA A'OA'IGA A TAMAITI A'OGA I LE TAIMI O A'OGA TUUAGA

**§8-19-12 Gaioiga faalea'o'aiga; pulega.** O le pule a'oga poo le sui filifilia e tatau ona faia gaioiga e a'oai ai faasino i soo se tamaititi a'oga o auai i a'oga i le taimi o tuuaga. [Eff 5/23/86; comp 7/19/93; comp 5/19/97; comp 2/22/01; am ma comp 9/10/09; NOV 17 2019] (Auth: HRS §302A-1112) (Imp: HRS 302A-1112)

**§8-19-13 Amioga faasā a tamaiti a'oga; vaega solitulafono.**

(a) O amioga faasaina o mulimuli ane e faatatau i tamaiti a'oga uma o auai i a'oga o tuuaga i itula o a'oga o tuuaga, i luga o le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaioiga e lagolagoina e le matagaluega poo i luga poo fafo atu o le lotoā a le a'oga.

(1) Solitulafono Vasega A:

- (A) Faaoolima;
- (B) Amioga taufaafefe (mo tamaiti a'oga i vasega 9-12);
- (C) Talepe fale;
- (D) Taufaafe i luga o fesoata'iga faaeletonika (mo tamaiti a'oga i le vasega 9-12);
- (E) Meafaigaluega mata'utia, poo vailaau; umiaina poo le faaogaina o;

- (F) Aupega mata'utia; umiaina, poo le faaaogaina o;
  - (G) Meafaaaoga mo vailaau; umiaina, faaaogaina, poo le faatauina o;
  - (H) Faomea;
  - (I) Fusuaga;
  - (J) Aupega; umiaina poo le faaaogaina o;
  - (K) Faasoesa (mo tamaiti a'oga i le vasega 9-12);
  - (L) Fasioti tagata;
  - (M) Fualaau faasaina; umiaina, faaaogaina, poo le faatauina o;
  - (N) Vailaau oona; umiaina, faaaogaina, poo le faatauina o;
  - (O) Faaleagaina o meatotino poo le faalegamea;
  - (P) Gaoi;
  - (Q) Sauaga feusua'iga;
  - (R) Feusuaiga faaaogasesē;
  - (S) Faasoesa faaleituaiga (mo tamaiti a'oga i le vasega 5-12);
  - (T) Taumulimuli; poo
  - (U) Tagata Taufamata'u.
- (2) Solitulafono Vasega B:
- (A) Amioga taufaafefe (mo tamaiti a'oga i le vasega K-8);
  - (B) Taufaafefe i luga o fesoota'iga faaeletonika (mo tamaiti a'oga i le vasega K-8);
  - (C) Faailogaina;
  - (D) Amioga Lētaupulea;
  - (E) Tuuina o faailoilo sese;
  - (F) Tusifaasesē;
  - (G) Taaloga Faitupe;
  - (H) Faasoesa (mo tamaiti a'oga i le vasega K-8);
  - (I) Faaulu;
  - (J) Lē talafeagai pe fesiligia le faaaogaina, pe o mea uma e lua, o le mea mai i luga o le initaneti ma mea faigaluega;
  - (K) Tauimasui;
  - (L) Faasoesa faaleituaiga (mo tamaiti a'oga i le vasega K-4);
  - (M) Gaoi; poo
  - (N) Soli fanua.
- (3) Solitulafono Vasega C:
- (A) Gagana Masoā;
  - (B) Tipiina o vasega;
  - (C) Fouvale;
  - (D) Peni/faasino leisa; umiaina poo le faaaogaina o;
  - (E) Tuua le lotoā e aunoa ma le faataga;
  - (F) Ulaula poo le faaaogaina o tapaa; poo
  - (G) Tia'i a'oga.
- (4) Solitulafono Vasega D:
- (A) Uta Faasa; umiaina poo le faaaogaina o;
  - (B) Amioga faafitauli itiiti; poo
  - (C) Isi tulafono a le a'oga.

(b) Solitulafono Vasega C ma le D: O le tamaititi a'oga i taimi o tuuaga e solia le lua o soo se solitulafono C poo le D e pei ona faamatalaina i le vaega 8-19-6 i le taimi o a'oga o tuuaga o le a mauaina se lapataiga mo le

solitulafono muamua ma e mafai ona faamalolo mai le a'oga tuuaga mo le solitulafono lona lua.

(c) Soo se tamaititi a'oga e solitulafono i lalo o le vasega A poo le vasega B o le a faate'a ma le a'oga o tuuaga. O le pule a'oga o a'oga o tuuaga poo le sui filifilia o le a faailoa ma feilo'ai ma le tamaititi a'oga ma matua ae le'i faate'aina mai le a'oga o tuuaga. O le pule a'oga o a'oga o tuuaga o le a faila se lipoti ma le pule sili o a'oga ma ia tuuina atu se kopi i matua.

(d) O le pule o a'oga o tuuaga poo le sui filifilia, i se taimi faafuase'i, e mafai ona faia le aveeseina o faafitauli o se tamaititi a'oga i se taimi vave pe a maua o amioga a le tamaititi a'oga e manino le faamata'u i le saogalemu a ia lava poo isi poo ua matua faalavelave tele ma ua aveeseina vave ai le tamaititi a'oga ina ia faasao le aiā a isi tamaiti a'oga ina ia faaaauau ma faasao a'oa'oga e aunoa ma le soona faalavelave. O le pule a'oga o tuuaga poo le sui filifilia o le a faailoa ma feiloa'i ma le tamaititi a'oga ma matua ae le'i toe faaeaina le a'oga a le tamaititi a'oga. E leai se tamaititi a'oga e toe faaeaina e aunoa ma se feiloa'iga. O le pule a'oga o tuuaga poo le sui filifilia o le a failaina se lipoti ma le pule sili o a'oga ma o le a tuuina atu se kopi i matua. [Eff 5/23/86; am ma comp 7/19/93; comp 5/19/97; comp 2/22/01; am ma comp 9/10/09; am ma comp NOV 17 2019] (Auth: HRS §302A-1112) (Imp: HRS §302A-1112)

#### SOAMATAUPU 4

#### SAILIILIGA MA FAOGA FAAMALOSI A LE A'OGA

**§8-19-14 Aiaiga i le tatalaina ma su'esu'ega o loka a tamaiti a'oga.** O loka a le a'oga ua tuuina atu i tamaiti a'oga i le lotoā e mafai ona tatalaina ma su'esu'eina (ma sosogiina e maile) e le au ofisa a le a'oga i soo se taimi e tusa ma le iai pe le iai o se mafuaaga, faatatau o su'esu'ega e le mafua ona o le ituaiga tagata, lanu, tapuaiga, itupa, feusua'iga, itupa faailoa, faailoga itupa, tupuaga faaleatunuu, tupuaga, faaletonu le tino poo le mafaufau, poo feusuaiga. O le vaega 8-19-15 e le faaaogaina i le tatalaina ma su'esu'eina (ma le sosogiina e maile) o loka a tamaiti a'oga. E leai se faasa i vaega 8-19-15 i le 8-19-18 poo nisi sailiga ma faoga lautele a le a'oga i soo se auala e fausia ai se faamoemoega o tulaga patino i loka a tamaiti a'oga. O tamaiti a'oga e tatau ona manatunatu o lo latou loka e ao ina tatalaina ma su'esu'eina (ma sosogiina e maile) i soo se taimi pe iai pe le iai se mafuaaga. [Eff 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

**§8-19-15 Aiaiga Faavae mo sailiga ma faoga lautele a le a'oga.** Vagana ai le vaega 8-19-14 e faatatau i loka a tamaiti a'oga, o tamaiti a'oga e fuafua tatau e iai tulaga patino ia i latou i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaoiga e lagolagoina e le matagaluega poo i luga poo fafo atu o le lotoā a le a'oga. O tutusa manaoga o a'oga

e faatumauiina ma faamaopoopo se si'osi'omaga e faatupuina ai a'oa'oga. I le faataunuuiina o lenei manaoga tatau, o le au ofisa a le a'oga e ono i isi taimi ona faia sailiga ma faoga i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaioiga e lagolagoina e le matagaluega poo i luga poo fafo atu o le lotoā a le a'oga. O se tulafono lautele, vagana ai i le vaega 8-19-14 e faatatau i loka a tamaiti a'oga, o sailiga ma faoga e faatagaina pe afai e iai se mafuaaga e masalomiaina, e faavae i luga o tulaga faamaonia o sailiga o le a mauaina ai molimau faamaonia o le tamaititi a'oga poo tamaiti a'oga ua solia pe ua solitulafono poo amioga a le tamaititi a'oga e faasaina i lalo o lenei mataupu. O sailiga ma faoga e faia e le au ofisa a le a'oga o le a tausisi i aiaiga o lenei soamataupu. [Eff 5/23/86; comp 7/19/93; comp 5/19/97; comp 2/22/01; am ma comp 9/10/09; am ma comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)]

**§8-19-16 Pulega.** Vagana ai i le vaega 8-19-14 e faatatau i loka a tamaiti a'oga, o loka ma meatotino e mafai ona sailia pe a iai se mafuaaga e masalomiaina, e faavae i luga o tulaga faamaonia o sailiga o le a mauaina ai molimau faamaonia o le tamaititi a'oga poo tamaiti a'oga poo isi i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaioiga e lagolagoina e le matagaluega poo i luga poo fafo atu o le lotoā a le a'oga ua solia le tulafono poo aiaiga o lenei mataupu. O le au ofisa a le a'oga o loo faia sailiiliga o le a to'alu ma se isi au ofisa o loo avea ma molimau, se'i vagana o se faalavelave faafuase'i pe a manaomia vave se gaioiga ina ia puipuia le soifua maloloina poo le saogalemu, poo mea uma e lua a se tagata poo tagata. [Eff 5/23/86; am ma comp 7/19/93; comp 5/19/97; comp 2/22/01; am ma comp 9/10/09; am ma comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

**§8-19-17 Tulaga aoao e mafai ai ona faatinoina sailiga ma faoga faamalosi i le a'oga.** (a) Vagana ai i le vaega 8-19-14 e faatatau loka a tamaiti a'oga o sailiga ma faoga e mafai ona faia e le au ofisa a le a'oga pe afai ua ausia mea nei:

- (1) I le taimi o sailiga, e iai le mafuaaga tatau e iai se mafuaaga e masalomiaina, ma o le sailiga o le a mauaina ai molimau faamaonia o le tamaititi a'oga poo tamaiti a'oga ua solia tulafono poo aiaiga o loo faasaina i lalo o lenei mataupu.
- (2) O le auala e faia ai sailiga e talafeagai tatau ma le mafuaaga o le sailiga.
- (3) O le tamaititi a'oga o loo masalomiaina i le sailiga o le a faailoa atu le mafuaaga o le sailiga ma o le a tuuina atu le avanoa ia tuuina ma le lotomalie faamaoniga o loo sailia e le au ofisa a le a'oga.

(b) O le pule a'oga poo le sui filifilia a le a'oga o le a faailoaina e le au ofisa a le a'oga poo ai o le a faia le sailiga ma o le sailiga o le a faia ma le faamoemoe ia sailia se'i vagana o se faalavelave faafuase'i o loo manaomia ona fai gaioiga vave ina ia puipuia le soifua maloloina ma le saogalemu, poo mea uma e lua a se tagata poo tagata.

(c) Afai e sili atu ma le tasi tamaititi a'oga o loo faia le solitulafono, ona, afai

e aoga ma e leai se lamatiaga i le soifua maloloina poo le saogalemu a le au ofisa a le a'oga o loo faia sailiga o le a amata i le tamaititi a'oga o loo maualuga le masalomia o iai faamaoniga o loo sailia. [Eff 5/23/86; am ma comp 7/19/93; am ma comp 5/19/97; comp 2/22/01; am ma comp 9/10/09; comp **NOV 17 2019**] (Auth: HRS §§302A-1112, 703-309(2)) (Imp: Hawaii Const. Art. X, §3, HRS §§302A-1101, 302A-1112, 703-309(2))

**§8-19-18 Sailiga ma faoga faamalosi faasaina.** Vagana ai i le vaega 8-19-14 e faatatau loka a tamaiti a'oga:

- (1) E faasa sailiga le masani.
- (2) E faasa le aveese o lavalava ma su'eina.
- (3) E faasa ona faia ni sailiga e manaomiaina ai le fesoota'iga faaletino ma le tamaititi a'oga vagana pe afai e manaomia ona fai ina ia taofia tulaga mata'utia i le soifua maloloina ma le saogalemu, poo mea uma e lua a le tagata poo tagata.
- (4) I le taimi o sailiga, o le faaaogaina o le malosia e faasino i le tamaititi a'oga e faasaina vagana o le au ofisa a le a'oga e talitonu o le malosia e manaomiaina ia taofia tulaga mata'utia i le soifua maloloina ma le saogalemu, poo mea uma e lua a le tagata poo tagata poo taimi o loo tetee faaletino le tamaititi a'oga i le sailiga.
- (5) O se sailiga e faia i lalo o aiaiga o lenei soamataupu o le a faatapulaaina i mea faitino na faia ai le sailiga. Peita'i, soo se isi mea faitino e maitauina i le taimi o le sailiga e mafai ona faoa e le au ofisa a le a'oga pe afai o le umiaina o le mea faitino e solia ai le tulafono poo se aiaiga o lenei mataupu, poo se taimi a le faoa e mafai ona avea ma taufaamata'u i le soifua maloloina poo le saogalemu, poo mea uma e lua a le tagata poo tagata, e aofia ai le au ofisa o loo faia le sailiga. [Eff 5/23/86; comp 7/19/93; comp 5/19/97; comp 2/22/01; am ma comp 9/10/09; comp **NOV 17 2019**] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

#### SOAMATAUPU 5 LIPOTIINA O SOLITULAFONO

**§8-19-19 Lipotiina o solitulafono vaega A ma le vaega B o loo tutupu I le a'oga.** (a) Soo se faiaoga, au ofisa, poo se isi tagata faafaigaluega a le matagaluega o loo molimauina se solitulafono vasega A poo le vasega B e pei ona faamatalina i lenei mataupu, poo se tasi e iai mafuaaga e talitonuina ua faia pe o le a faia se solitulafono vasega A poo le vasega B e faasaga i se tamaititi a'oga, faia'oga, au ofisa, poo se isi tagata faafaigaluega a le matagaluega, pe aafia ai meatotino a le a'oga, e tatau ona lipoti vave mea na tupu i le pule a'oga poo le sui filifilia. E leai se mea i lenei soavaega o le a faauigaina e faasaina pe taofiaina se faia'oga, au ofisa, poo se tagata faafaigaluega a le matagaluega mai le lipotiina o solitulafono vasega C poo le vasega D i le pule a'oga poo le sui filifilia.

(b) I le mauaina o le lipoti o le solitulafono vasega A poo le vasega B, o le pule a'oga poo le sui filifilia o le a faia sailiiliga ina ia iloa ai poo nei amioga e manaomia ona faasinotonu i leoleo poo nei amioga e mafai ona faatautaia e ala i tualumaga o a'oa'iga a le a'oga. O le pule a'oga ma le sui filifilia o le a valaauina leoleo pe afai e mautinoa o iai lamatiaga ma o amioga e le mafai ona taupulea e le afaigaluega a le a'oga.

(c) O le pule a'oga poo le sui filifilia o le a faamaumauina faamatalaga o le mea na tupu i luga o le masini utuofaamatalaga eletionika a le matagaluega ae le'i pasi aso a'oga e lima mai le taimi na lipotiina ai le solitulafono.

(d) O le pule a'oga poo le sui filifilia o le a faailoa atu i le faiaoga na lipotiina, au ofisa, poo se isi tagata faafaigaluega, gaoigaga taua'oa'iga, pe a iai, tauave le vasega solitulafono ae le'i pasi aso a'oga e lima tau ona lipotiina mea na tupu e tusa ai ma le soavaega (c).

[Eff 9/1/82; am ma ren §8-19-11, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; am ma comp **NOV 17 2019**] (Auth: HRS §§302A-1112, 302A-1002) (Imp: HRS §§302A-1112, 302A-1002)

**§8-19-20 Tupe maua i le lipotiina o solitulafono.** Soo se faia'oga, au ofisa, poo se isi tagata faafaigaluega a le matagaluega o loo lipotiina ma tu lelei e pei ona manaomiaina i lalo o le §8-19-19 o le a faamanuiaina ma e le afaina e tusa ai ma le vaega 302A-1003, Tulafono Toeiloilo a Hawaii. [Eff 9/1/82; am ma ren §8-19-12, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp **NOV 17 2019**] (Auth: HRS §§302A-1112, 302A-1003) (Imp: HRS §302A-1112, 302A-1003)

**§8-19-21 Faatamala i le lipotiina o solitulafono vasega A poo vasega B sa tupu i le a'oga; i'uga.** (a) O le pule aoao o a'oga o le a tuuina atu se faasilasilaga tusitusia faaletausaga i a'oga ma ofisa uma o loo faatamala e lipotiina solitulafono vasega A ma le vasega B o loo tupu i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaoigaga e lagolagoina e le matagaluega poo i luga poo fafo atu o le lotoā a le a'oga e ono i'u i a'oa'iga faalea'oga e faasaga i tagata tauave pei o faia'oga, au ofisa, poo se tagata faafaigaluega a le matagaluega. A'oa'iga faalea'oga e aofia ai:

- (1) Lapataiga faaupu;
- (2) Lapataiga tusitusia;
- (3) Faamalolo e leai se totogi;
- (4) Tuu i tulaga maualalo; pe
- (5) Faate'a.

(b) Faia'oga, au ofisa, o isi tagata faafaigaluega a le matagaluega e faatamala i le lipotiina o solitulafono e pei ona manaomiaina e le vaega 8-19-19 e ono a'oa'iina e tusa ma tulafono ma faatonuga ma tualumaga a le matagaluega.

(c) Soo se faia'oga, au ofisa, poo se isi tagata faafaigaluega a le matagaluega o loo a'oa'iina mo le faatamala e lipoti solitulafono vasega A poo vasega B na tupu i le lotoā, poo isi nofoaga a le matagaluega, i luga o femalagaaiga a le matagaluega, poo i taimi o gaoigaga e lagolagoina e le matagaluega poo i luga poo fafo atu o le lotoā a le a'oga o le a iai le aiā tatau e apili ai le a'oa'iga faalea'oga e pei ona tuuina atu e le tulafono a le setete poo



faatonuga ma taualumaga a le matagaluega poo maliega fetuutuuna'i e talafeagai. [Eff 9/1/82; am ma ren §8-19-13, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; am ma comp NOV 17 2019] (Auth: HRS §§302A-1112, 302A-1002) (Imp: HRS §§302A-1112, 302A-1002)

## SOAMATAUPU 6

### FAATALANOAGA MA PU'EINA FAAPAGOTA A LEOLEO

**§8-19-22 Faatalanoaga a leoleo i totonu o le a'oga mo solitulafono faalea'oga.** (a) E mafai e leoleo ona iai i le a'oga e fesiligia se tamaititi a'oga. I le taunuu i le a'oga, o leoleo e tatau ona faasino i le pule a'oga poo le sui filifilia e talosaga le faatagaina o le faatalanoa o le tamaititi a'oga. Afai ua faatagaina le faatalanoa o le tamaititi a'oga, o le pule a'oga poo le sui filifilia o le a taumafai e faailoa atu i matua le faatalanoa a leoleo ma le aiā tatau e auai i le taimi e fai ai le faatalanoa. O le faatalanoa e mafai ona faia e tusa lava pe ua le mafai e le pule a'oga poo le sui filifilia ona faailoa atu i matua pe afai o matua ua faailoaina ma ua musu e auai, pe afai o se vaegataimi tatau ma ua mae'a ona tuuina atu le faailoa ae faatamala matua ia alu atu i le a'oga mo le faatalanoa a leoleo.

(b) O le pule a'oga poo le sui filifilia o le a auai i le taimi o le faatalanoa a leoleo vagana pe afai ua tuuese e leoleo.

(c) Afai ua faapagotaina se tamaititi a'oga, o le pule a'oga poo le sui filifilia o le a mulimulita'i i taualumaga ua faatonuina i le vaega 8-19-24. [Eff 9/1/82; am ma ren §8- 19-14, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

**§8-19-23 Faatalanoaga a leoleo i totonu o le a'oga mo solitulafono e lē faalea'oga.** (a) O leoleo e tatau ona faafesoota'i le a'oga ma fautuaina le pule a'oga poo le sui filifilia i le natura ma tulaga o le asiasiga. I le taunuu i le a'oga, o leoleo e tatau ona faasino i le pule a'oga poo le sui filifilia e talosaga le faatagaina o le faatalanoa o le tamaititi a'oga.

(b) Ae le'i faia le faatalanoa, o le pule a'oga poo le sui filifilia o le a faailoa atu i matua lo latou aiā tatau e auai a o faia le faatalanoa a leoleo. E mafai ona faia le faatalanoa pe a mauaina le ioe faaupu mai matua. O le mea e manaomia mo le faasilasilaga ma le faataga a lenei soavaega e le tatau ona mulimulita'ia pe afai o le natura o le faatalanoa e aofia ai sauaga faaletamaititi poo isi solitulafono o loo masalomaiaina matua poo se tasi o le aiga o loo faia i le tamaititi a'oga.

(c) O le pule a'oga poo le sui filifilia o le taofia ni faamaumauga a le igoa a le tamaititi a'oga, aso o le faatalanoa a leoleo, ma le igoa a le leoleo ma le numera o le pine ma le numera o le lipoti a leoleo pe a iai.

(d) Afai ua faapagotaina se tamaititi a'oga, o le pule a'oga poo le sui filifilia o le a mulimulita'i i taualumaga ua faatonuina i le vaega 8-19-24. [Eff 9/1/82; am ma ren §8-19-15, 5/23/86; am ma comp 7/19/93; am ma comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

**§8-19-24 Pu'eina Faapagota a leoleo i totonu o le a'oga.** O leoleo o le a faasino i le pule a'oga poo le sui filifilia. Soo se taimi e mafai ai o le tamaititi a'oga o le a ave i le ofisa a le pule a'oga pe afai o loo faatalia le faapagotaina e leoleo. I le taunuu o leoleo e faapagotaina se tamaititi a'oga, o le pule a'oga poo le sui filifilia o le a faia se taumafaiga tatau e faailoa atu i matua. [Eff 9/1/82; am ma ren §8-19-16, 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: Hawaii Const. Art. X, §3; HRS §§302A-1101, 302A-1112)

## SOAMATAUPU 7

### TUPE FAAFO'I ONA O LE FAALEAGAINA O MEATOTINO

**§8-19-25 Noataga mo le faaleagaina o meatotino.** (a) Afai ua maua se tamaititi a'oga e nafa ma gaiouga o le faaleagaina o soo se fale a'oga a le malo, nofoaga, poo fanua, o tupe faafo'i o le a faia e le tamaititi a'oga poo matua. E leai se tupe faafo'i pe afai o le faaleagaina o meatotino e le mafai ona faamaonia na faia e le tamaititi a'oga.

(b) Tusa lava ma aiaiga o lenei mataupu, o le Setete e mafai ona filifili e faia gaiouga talafeagai mo le toe faaleleia o mea totino ua faaleagaina a le a'oga.

(c) Afai o le tamaititi a'oga o loo a'oa'iina ona o gaiouga faaleaga i lalo o lenei mataupu, o tualumaga o tupe faafo'i o le a amataina pe a uma tualumaga o a'oaiga faalea'oga o lenei mataupu ma ua mae'a ma o le pule a'oga poo le sui filifilia o loo faia le sailiiliga e iai le tailitonuga o le tamaititi a'oga ua solia aiaiga a lenei mataupu. [Eff 5/23/86; comp 7/19/93; comp 5/19/97; comp 2/22/01; am ma comp 9/10/09; comp NOV 17 2019] (Auth: HRS §302A-1112) (Imp: HRS §§302A-1112, 302A-1153)

**§8-19-26 Faagasologa talafeagai mo faaleagaina o meatotino.** (a) Soo se taimi e iai se mafuaaga e talitonu ai le pule a'oga poo le sui filifilia o se tamaititi a'oga e nafa ma gaiouga faaleagaina meatotino a le fale a'oga, nofoaga poo fanua, o le pule a'oga poo le sui filifilia o le a amataina sailiiliga i se taimi vave.

(b) Afai o le gaiouga o le faaleagaina e ona maua ai e tamaititi a'oga se a'oaiga faalea'oga i lalo o lenei mataupu, o le pule a'oga poo le sui filifilia o le a aofia e pei o se vaega e manaomia i le sailiiliga o i lalo o vaega 8-19-7, 8-19-8, 8-19-9, ma 8-19-10, o le faamautuina o faamatalaga ma tulaga o loo lagolagoina tupe faafo'i i lalo o le soamataupu. O isi gaiouga e faatatau i tupe faafo'i o le a taofia se'ia ua mae'a faai'uga o a'oaiga faalea'oga ma ua mae'a tualumaga mo apili.

(c) Afai ua mae'a sailiiliga, ma o le pule a'oga poo le sui filifilia e talitonu i se mafuaaga o le tamaititi a'oga o nafa ma le faaleagaina, o le pule a'oga ma le sui filifilia o le a faatulagaina se fonotaga ma le tamaititi a'oga ma matua. O le auai i le fonotaga e faatapulaaina i le pule a'oga poo le sui filifilia, tamaititi a'oga, ma matua.

(d) O le faasilasilaga tusitusia mo le fonotaga o le a faia i luga o fomu a le matagaluega, ma o le a lafoina i le meli i matua. E leai se tamaititi a'oga poo se

matua o le a manaomiaina ona fai se tupe faafo'i i soo se auala vagana o matua ua logoina ma ua tuu i ai le avanoa e faafofoga ai. O le faasilasilaga o le a logoina matua i le faai'uga ma le aso, taimi, ma le nofoaga o le fonotaga. O le faasilasilaga o le a lafoina i le meli ae le'i pasia aso kalena e sefululima ae le'i oo i le aso o le fonotaga. Afai e manaomia ona ausia fesoota'iga lelei o le faasilasilaga o le a tuuina i le gagana a matua. O mafai e le a'oga ona faaaoga nisi itua'iga faafesoota'iga, e pei o le telefoni, ina ia faaopopo atu ai ma fesoota'iga tusitusia i le va o le a'oga ma matua.

- (1) E tatau i matua ona toe tali i le faasilasilaga ae le'i pasia aso kalena e fitu mai le aso o le faasilasilaga.
  - (2) O le aso o le fonotaga o le a tuuina atu i le faasilasilaga e mafai ona toe faatulaga pe afai o matua a le tamaititi a'oga sa faafesoota'i atu i le a'oga mo se aso fonotaga fou. O le talosaga e toe faatulaga se fonotaga e tatau ona faia ae le'i pasi aso kalena e fitu mai le aso o le faasilasilaga.
  - (3) E mafai ona malilie i se fonotaga ma se faai'uga le fuafuaina pe afai o mea na faaleagaina e le sili atu ma le \$3,500. Afai ua faia se faai'uga, o se maliega tusitusia mo tupe faafo'i e tatau ona faia i le va o matua ma le a'oga. E faato'a faia se maliega tusitusia pe afai o me aua faaleagaina e le sili atu ma le \$3,500.
- (e) Afai ua faatamala matua i le tali atu i faasilasilaga i totonu o le taimi faatapulaaina, o le pule a'oga poo le sui filifilia e mafai ona:
- (1) Toe faatulaga se aso fonotaga pe afai o le pule a'oga poo le sui filifilia ua filifilia o le faatamala o le toe tali e iai se mafuaaga lele pe afai e mo le lelei a le a'oga poo le tamaititi a'oga; pe
  - (2) Faailoa atu i matua e ala i tusitusiga o le faasilasilaga sa tuuina atu mo le avanoa e fofogaina ai i se fonotaga ma le pule a'oga poo le sui filifilia, ma talu ai ua faatamala i le toe tali atu i le faasilasilaga, o le mataupu o le a tuuina atu i le pule sili o a'oga e le pule a'oga poo le sui filifilia mo nisi gaioiga.
- (f) O le fonotaga o le a faia i auala nei:
- (1) O itu o auai i le fonotaga o le pule a'oga poo le sui filifilia, tamaititi a'oga, ma matua. Vagana ai le pule a'oga poo le sui filifilia a le a'oga na tupu ai le faaleagaina, o le tamaititi a'oga, ma matua, e leai se isi e faatagaina ona auai i le fonotaga mo soo se mafuaaga lava.
  - (2) I le fonotaga, o le pule a'oga poo le sui filifilia a le a'oga na tupu ai le faaleagaina e tatau ona folasia su'esu'ega o le saililiga ma tupe faafo'i e mana'omiaina.
  - (3) Afai o le tamaititi a'oga ma matua e malilie i le aofa'i ma tulaga e toe faafo'i ai tupe, o le pule a'oga poo le sui filifilia, le tamaititi a'oga ma matua o le a faataunuuina se maliega tusitusia i luga o fomu a le matagaleuga ma faama'oti le faiga e tatau ai ona toe faafo'i tupe ma le vaitaimi e tatau ona toe faafo'i ai, pe afai o mea faaleagaina e le sili atu ma le \$3,500. O tupe faafo'i e mafai ona faia i se ituaiga, e aofia ai tupe faafo'i na faia e le tamaititi a'oga ma matua. Afai o mea faaleagaina e sili atu ma le \$3,500, o le mataupu o le a tuuina atu i le pule a'oga sili o ia lea e tatau ona tuuina atu i le loia sili mo nisi gaioiga.

- (4) A mae'a ona tologi tupe faafo'i, o faamaumauga ma pepa e faatatau i le sailiiliga ma fonotaga o le a teuina e le a'oga mo tausaga e tolu. E leai se faamatalaga e faatatau i le sailiiliga, fonotaga ma gaioiga sa faia o le a faailoaina atu i soo se tasi e le o aafia sa'o ma le tualumaga.
- (5) Afai ua faatinoina se maliega ma o matua ma le tamaititi a'oga ua faatamala i aiaiga o le maliega, o le pule a'oga ma le sui filifilia e mafau ona tuuina atu le mataupu i le pule a'oga sili. O le pule a'oga sili o le a iloiloaina le mataupu ma faia gaioiga talafeagai, e aofia ai le tuuina atu i le loia sili mo nisi gaioiga.
- (6) Afai o le tamaititi a'oga ma matua e le malilie i faai'uga sa faia e le pule a'oga poo le sui filifilia, o le pule a'oga poo le sui filifilia e tatau ona lafoina uma faamaumauga ma pepa e faatatau i le sailiiliga ma fonotaga, ma e tatau ona lipotiina faai'uga ma tulaga o le mataupu i le pule a'oga sili o le a faia se iloiloga o le mataupu ma faia nigi gaioiga e aofia ai le tuuina atu o le mataupu i le loia sili mo nisi gaioiga. Afai o mea faaleagaina e sili atu ma le \$3,500, o le mataupu e tatau ona tuuina atu i le loia sili mo nisi gaioiga. [Eff 5/23/86; am ma comp 7/19/93; comp 5/19/97; comp 2/22/01; am ma comp 9/10/09; comp **NOV 17 2019**] (Auth: HRS §302A-1112) (Imp: HRS §§302A-1112, 302A-1153)

**§8-19-27 SOLOIA [R 2/22/01]**

**§8-19-28 SOLOIA [R 2/22/01]**

**§8-19-29 SOLOIA [R 2/22/01]**

## SOAMATAUPU 8

### FAAGASOLOGA O FAITIOGA MA SAILIILIGA O FAAILOGA TAGATA, AMIOGA FAASOESA (AOFIA AI FAASOESA TAU FEUSUAIGA), AMIOGA TAU-FAAFEFE MA/POO LE TAUIMASUI

**§8-19-30 Faagasologa o Faitioga.** (a) O le matagaluega o le a faia vave ma le talafeagai laasaga e taofi ai le faailogaina, faasoesa (aofia ai faasoesa faaleituaiga), poo amioga taufaafefe e faasino i se tamaititi a'oga, e aofia ai latou e faavae i luga o vaega puipua e pei ona faamatalaina i le vaega 8-19-2, ina ia puipua le toe tupu ma le faaleleia o faailoga tagata i luga o le faitioga/afaina poo isi, pe a talafeagai.

(b) O faitioga e faatatau i amioga le talafeagai pe na afua mai tuuaiga o loo pa'u i lalo o lenei mataupu e mafai ona failaina i soo se taimi lava e:

- (1) Tamaiti a'oga o loo feagai ma faailogaina, faasoesa (aofia ai faasoesa faaleituaiga), amioga taufaafefe, poo tauimasui;
- (2) Tamaiti a'oga o molimauina faailogaina, faasoesa (aofia ai faasoesa faaleituaiga), amioga taufaafefe, poo tauimasui e faasino i se iai tamaititi a'oga;

- (3) Matua, tausi faaletulafono, sui faalea'oga, poo isi o fai ma sui faaletulafono o iloa tulaga poo molimauina faailogaina, faasoesa (aofia ai faasoesa faaleituaiga), amioga taufaafefe, poo tauimasui e faasino i se tamaititi a'oga;
- (4) Tagata faafaigaluega, aufaigaluega, poo volenitia o molimauina faailogaina, faasoesa (aofia ai faasoesa faaleituaiga), amioga taufaafefe, poo tauimasui e faasino i se tamaititi a'oga;
- (c) Faitioga tuuaiina solitulafono o lenei mataupu e mafai ona faia i lalo o Fomu o Faitioga Tulafono a le Matagaluega o A'oga i Hawaii Ulutala 8, Mataupu 19, o faitioga e mafai ona failaina i soo se taimi. Tagata e le mauaina pe mauaina pe filifili e aua le faaaogaina Fomu o Faitioga Tulafono a le Matagaluega o A'oga i Hawaii Ulutala 8, Mataupu 19 e mafai ona faia faitioga, e ala i se tusitusiga pe faaupu, e tuuina mai faamatalaga nei:
- (1) Le igoa a le tagata tetee poo se faamatalaga a le tagata na tete eina ia mafai ona faia faailoaina;
- (2) Aso ma le tuuaiga o faailogaina, faasoesa (e aofia ai faasoesa faaleituaiga), amioga taufaafefe, poo talimasui ua masalomia na tupu;
- (3) Se faamatalaga faamaonia o le tuuaiga, tuuaiga o faailogaina, faasoesa (e aofia ai faasoesa faaleituaiga), amioga taufaafefe, poo talimasui ua masalomia na tupu ma le mafuaaga o le faitioga, pe a iai;
- (4) O se faamatalaga o manua'ga, pe iai; ma
- (5) Faapiiiga, pe a iai, faamaumauga o amioga masalomia.
- (d) O faitioga tusitusia e mafai ona tuuina atu i soo se faia'oga poo aufaigaluega, pule a'oga, sui pule a'oga, pule sili o a'oga, poo le Lala o Aiā Tatau a Tagata. O faitioga faaupu e mafai ona tuuina atu faaletino poo i luga o le telefoni i soo se faia'oga poo aufaigaluega, pule a'oga, sui pule a'oga, pule sili o a'oga, poo le Lala o Aiā Tatau a Tagata.
- (e) O le pule a'oga poo le sui filifilia poo le pule aoao o a'oga, i le fetunaiga ma le Lala o Aiā Tatau a Tagata, o le a iloiloaina le faitioga ma faamautinoaina pe moni tuuaiga o loo molia ai faailogaina, faasoesa (aofia ai faasoesa faaleituaiga), amioga taufaafefe, poo tauimasui. O faitioga e le o pa'u i lalo o soamataupu o le a tuuina atu i le ofisa talafeagai mo le pule e iloiloaina.
- (f) A failaina se faitioga, o le pule a'oga poo le sui filifilia o le a:
- (1) Amataina vave se sailiiliga e tusa ai ma le vaega 8-19-31; pe
- (2) A faapea e talafeagai, ofoina i itu auai le avanoa e fofoina le faitioga ae le'i amataina tualumaga o sailiiliga aloaia. O lenei tualumaga le aloaia e faaaogaina pe afai o itu auai ua malilie e auai. O itu auai e le manaomia ona foiaina le faitioga ma le tasi. O le taimi e amataina ai tualumaga le aloaiaina, o itu auai e iai le aiā e faamutaina ai le tualumaga le aloaiaina i soo se taimi, ma o le a mafua ona amataina ai tualumaga sailiiliga aloaia.

E le talafeagai foiaina le aloaia i tulaga e:

(1) o le ituaiga tuuaiga e matuia ma e tuu ai le tagata faasea/afaina i se tulaga e lamatiaina faaletino;

(2) o le mea na tupu e mafua ai se moliaga faaletulafono;

(3) o le mea na tupu e aofia ai le faasino i leoleo poo Aunaga Lautele o Soifua Manuia a Tamaiti;

(4) o le faitioga e aofia ai tuuaiga matuia, faifai pea pe malosi tele amioga taufaafefe poo se isi ituaiga faailogaina matauia;

(5) o loo faatali se sailiiliga e faasino i le itu tetee;

(6) o loo iai le faatatau ma manino le lē paleni o malosiaaga i le va o itu auai; pe

(7) o se sailiiliga e talafeagai i lalo o na tulaga.

Afai o se foiaina le aloaia e le talafeagai, poo itu auai e le mafai ona faia se foiaina o feteena'iga, o le a amataina sailiiliga e le pule a'oga poo le sui filifilia e tusa ai ma le vaega 8-19-31.

(g) E mafai e itu auai ona faatalosaga se fesoasoani vave i le pule a'oga, soo se sui pule a'oga, pule sili o a'oga, poo le Lala o Aiā Tatau a Tagata. O le pule a'oga poo le sui filifilia e mafai ona faatuina vave ni fesoasoani e aunoa ma se talosaga, pe afai latou te manatu e talafeagai. O fesoasoani faavave o le a iloiloaina e le pule a'oga poo le sui filifilia, i feutanaiga ma le Lala o Aiā Tatau a Tagata, ma pe afai ua faia se faai'uga o nei fesoasoani vave e talafeagai, o le pule a'oga poo le sui filifilia o le a faatuina fesoasoani faavave. O le Lala o Aiā Tatau a Tagata o le a faamautinoaina o na fesoasoani faavave o le a faia. O le faatamala e tausisi i tuutuuga o fesoasoani faavave e ono sailia ai se soli ese atu, ma e ono i'u i se sailiiliga ese atu, su'esu'ega, ma faai'uga. [Eff NOV 17 2019] Auth: HRS §302°-1112) (Imp: HRS §§302A-1101, 302A-1112; 5 U.S.C. §301, 42 U.S.C. §2000d et seq., 34 C.F.R. §100.9; 34 C.F.R. §101.11)

**§8-19-31 Sailiiliga.** (a) A fai se faitioga, o le pule a'oga poo le sui filifilia o le a filifili se tagata tulaga a'oao le faaitu'au ("tagata sailiili") e faia sailiiliga mae'ae'a ma su'esu'ega le faaitu'au. O le taimi e amataina ai sailiiliga, o le pule a'oga poo le sui filifilia e tatau ona fai taumafaiga lelei i se taimi vave e faailoa atu matua e uiga i le sailiiliga. A mae'a ona faia taumafaiga talafeagai, o le pule a'oga poo le sui filifilia ua le mafai ona faafesoota'i matua, o le tagata sailiili e mafai ona auai ma faamae'a le sailiiliga.

O le tagata faasea/afaina ma le itu tetee o le a faatagaina e tuuina igoa o molimau latou te talitonu e iai faamatalaga e talafeagai ma le faitioga ma tuuina faamaoniga latou te talitonu e talafeagai ma le faitioga.

(b) O le taimi lava ua maua ai e le tagata sailiili faamatalaga ma pepa e talafeagai, o le tagata sailiili o le a auiliiliina ma faamaumau faamaoniga, iloiloaina ma faamaonia talitonuina o molimau, tuufaatasia molimau faamaonia uma, e aofia ai faamaoniga pe iai pe leai se solitulafono, ma amanaiaina tulaga eseese ma le lavelavea o mataupu ta'itasi. A mae'a, o le tagata sailiili o le a sauni faai'uga o faamatalaga ma faia se faai'uga o gaoiga talafeagai e manomia ona faia ina ia faamuta ai ni faailogaina, faasoea, amioga taufaafee, poo tauimasui ma taofia le toe tutupu ma fofo ona aafia i le tagata faafea/aafia ma le nuu lautele a le

matagaluega. O le tagata sailiili o le a lafoina a latou sailiga i le pule a'oga poo le sui filifilia, o le a fuafuaina pe o mea moni o amioga faasaina a tamaiti a'oga i lalo o le vaega 8-19-6(a) poo 8-19-13(a). Soo se a'oa'iga faalea'oga e faia o le a noatia ma fuafua i aiaiga o le vaega 8-19-5 i le 8-19-13, pe a talafeagai, e aofia ai le aiā tatau e apili ai.

(c) I le faai'uga o le sailiiliga, o le pule a'oga poo le sui filifilia, i feutana'iga ma le Lala o Aiā Tatau Tuto'atasi, e tatau ona faamautinoa ni fofo o le a tuuina atu I soo se isi o aafia i le sailiiliga. Afai ua faamautuina o le a tuuina atu fofo, o le pule a'oga poo le sui filifilia o le a faaaogaina fofo. O le tagata faasea/aafia o le a tuuina atu i ai se faasilasilaga tusitusia pe na faamaonia tuuaiga, le i'uga o le sailiiliga, soo se fofo na faia, ma isi gaiioiga na faia e le matagaluega o fesoota'i sa'o ma le tagata faasea/aafia. O le itu tetee o le a tuuina atu ai se faasilasilaga tusitusia pe na faamaonia tuuaiga, le i'uga o le sailiiliga, soo se fofo na faia, ma isi gaiioiga na faia e le matagaluega o fesoota'i sa'o ma le itu tetee.

(d) O le tagata sailiili o le a faamae'aina le sailiiliga ae le'i pasi aso a'oga e lima mai le aso na atofaina ai le tagata sailiili ma le mataupu. Afai e umi atu sailiiliga ma le lima aso, o le tagata sailiili o le a logoina itu auai e ala i tusitusiga i le tuai, saunia mafuaaga mo le tuai, ma le taimi faapoopo e manaomia e faamae'aina ai le sailiiliga. [Eff NOV 17 2019] (Auth: HRS §302A-1112) (Imp: HRS §§302A-1101, 302A-1112; 5 U.S. C. §301, 42 U.S.C. §2000d et seq., 34 C.F.R. §100.9; 34 C.F.R. §101.11)

**§8-19-32 Sailiiliga faaauau.** O le matagaluega o le a sailiiliga tuuaiga o soliga o lenei soamataupu e tusa lava pe leai se faitioga na faila pe afai o se faitioga ua toe faafo'i. [Eff NOV 17 2019] (Auth: HRS §302A-1112)

**§8-19-33 Fesoasoani faaliliu, fesoasoani tusitusi, poo faatulaga faapitoa.** Soo se tagata o faia se faitioga pe auai i sailiiliga o loo manaomia Fesoasoani faaliliu poo fesoasoani tusitusi e tatau ona mauaina se fesoasoani mai le matagaluega. Soo se tagata e faaletonu le tino poo le mafaufau o loo manaomia faatulaga faapitoa ina ia faia ai se faitioga pe auai i sailiiliga e tatau ona mauaina se fesoasoani mai le matagaluega. [Eff NOV 17 2019] (Auth: HRS §302A-1112)

**§8-19-34 Faasaina le tauimasui.** O le taumasui ma le faasoesa faamalosi e faasaina i se tagata ona o le tagata o loo aafia i se gaiioiga puipua. [Eff NOV 17 2019] (Auth: HRS §302A-1112)

**§8-19-35 Aiā tatau e saili ai isi mapusaga.** E leai se mea I lenei mataupu e faauigaina e faatapulaa pe lafoa le aiā a le tagata faasea/aafia e saili isi mapusaga e pei ona aiaia i lalo o tulafono feterale ma le setete. O le tagata faasea/aafia e iai le aiā e faila ai se faitioga ona o faailogaina ma le malo feterale poo le setete, e aofia ai ofisa faamalosi tulafono:

- (1) E aunoa ma le failaina o se faitioga i lalo o lenei mataupu;
- (2) I le taimi lava e tasi ua faila ai se faitioga pe na lipotiina se mea na tupu i lalo o lenei mataupu;

- (3) I soo se taimi o lo faatalia le faitioga na fail poo se mea na tupu o lipotiina i lalo o lenei mataupu; pe
- (4) Ina ua mae'a le faitioga na failaina poo le mea na tupu ua lipotiina i lalo o lenei mataupu ua uma ona faia se fuafuaga." [Eff NOV 17 2019] (Auth: HRS §302A-1112)

2. Faamatalaga, vagana ai faamatalaga tusitusia ma isi tusitusiga, e soloia o loo puipui ma oloia. Faaopoopoga fou o loo faamamafaina.

3. O faaopoopoga e faafou ai faamatalaga tusitusi ma isi faamatalaga e atagia mai ai nei teuteuga ma tuufaatasiga e le o faamamafaina.

4. O nei teuteuga ma tuufaatasiga o mataupu 8-19, Tulafono Faatonutonu a Hawaii, o le a amata faamamaluina I le sefulu aso pe a mae'a ona faila i le ofisa a le Lutena Kovana.

Out e faamaonia o me aua taua i luga o kopi o tulafono na tusia i le auala Ramseyer e tusa ma manaoga o le vaega 91-4.1, Tulafono Toeiloilo a Hawaii, na taliaina i le aso ma failaina i le Ofisa o le Lutena Kovana.

FAAMAOINA IA FAI

\_\_\_\_\_  
CATHERINE PAYNE, Taitaifono Komiti  
Faatonu o A'oga

\_\_\_\_\_  
Sui Loia Sili

\_\_\_\_\_  
David Y. Ige  
Kovana  
Setete o Hawaii

Aso: 11-07-2019

'19 NOV-7 P4:10

OFISA A LE LUTENA  
KOVANA

\_\_\_\_\_  
Failaina



